


Em ya papa bilong dispela wil mani long Gordons maket. Yu ken lukim, em i save mekim bikpela wok tru long bikmaus. Ol manmeri i harim em na ating bai ol i kam na baim tiket na helpim em long kisim bikpela mani. Stori pes 3

Wantok

20t



Namba wan bisnismeri bilong 1982, em Maria Kunjip bilong Westen Hailans. Em i winim prais bilong Times niuspepa long seksen bilong ol bisnismeri. Praim Minista Michael Somare i lukluk long prais bilong Maria i stap.



Provinsal Gavman ileksen bilong Isten Hailans i kamap pinis long las wik. Poto ya i soim wanpela ritening opisa i putim pen long pinga bilong wan wan man husat i vot pinis long Kabiufa. Poto - Harry Rambli, Niugini Nius.

WINA
BILONG
NAMBA 3
RESIS

Winim K50

Wantok Namba Resis No. 4

Makim 6-pela Namba

15	38	13	6	10
40	3	7	20	16
5	33	18	24	11
21	37	23	31	17
26	4	2	34	28
9	35	27	22	14

Putim X antap long ol 6-pela namba yu laik makim.

Nem _____

P.O. Box _____

Taun _____

Kolim nem bilong tupela wara long Westen Provins.

Traim Nau! — pes 8

Insait long pasel mipela makim pinis 6-pela namba. Traim painim sapos yu makim stret dispela 6-pela namba bai yu winim K50. Sapos no gat man i makim stret orait man i kam klostu tru bai winim K10.

Salim i kam long Wantok Namba Resis Box 1982 Boroko.

Taitim bun, sekim kru, kliaim ai na makim namba.



Long Mande, 1 klok apinun balus bilong Britis Erospe, BAe 1464 ensin i pundaun long ples balus long Mosbi. Dispela balus i bin raun tupela de olgeta long PNG. Long Tunde balus i bin go antap raun long Goroka na Lae.

PILAI LAKI BISNIS

Nau long taim bilong mani i sot na planti pipel i painim wok, yumi amamas long lukim ol pipel yet i traime long mekim wok bisnis long helpim ol yet.

Em i gutpela, i no gat kros long dispela. Tasol i gat ol lo bilong kantri na lo bilong kaunsil na ol kain lo nabaut i stap. Na man i mekim wok bisnis long stretpela we em i orait. Tasol i no gutpela long ol pipel i abrusim lo.

Nau i gat planti pilai laki i kamap nabaut long ol maket long kantri. Sampela i yusim kas, sampela i tanim wil. Na yumi askim nau, ol dispela pilai laki long kas i kalapim lo bilong kantri o no gat? Watpo na ol pipel i ken go insait long ol maket na mekim dispela kain pilai? Nau long Mosbi dispela kain pilai i kamap nabaut long ol maket.

Wina bilong Wantok resis namba 3 em Ray Bangai bilong Lae Kopiago. long hap bilong Saten Hailans. Ray i winim K10.

KOPI PRAIS

Gret	Minj/Banz — K1.00 -
Y - K1.67 inap K1.78	Maun Hagen — - K1.10
X - K1.75 inap K1.82	Wapenamanda —
A - K1.87 inap K1.90	Lae — Arabic- 90t
Robusta — K1.50 - K1.85	Robusta — 70t
Kainantu — 90t - K1.00	Wewak Robusta — 60t
Goroka — K1.06 - K1.30	Madang Robusta — 80t
Kundiawa — - K1.10	Robusta — 70t

Hailans Bisnis Grup I Baim Gollin

MISTA Anders Bergqvist, jeneral menesa bilong Gouna Developmen Kopresen, wanpela bilong ol tripela bikpela developmen bisnis grup long Hailans, i bin tok long Tunde Novemba 23 olsem, ol i sambai pinis long sainim pepa bilong bosim wanpela bikpela kampani bilong salim kopi na lipti long Australia.

Dispela bikpela bisnis grup long Austria ol i kolim Gollin Group em i gat bikpela bisnis bilong salim kopi long Australia.

Tripela bisnis grup long Hailans husat bai bosim Gollin Grup em Pipilika Developmen Kopresen bilong Hagen, Bomai Developmen Kopresen bilong Simbu na Lapusa Invesmen Pty Ltd long Goroka.

Siaman bilong Nesenel Pati, Michael Mel i menesa bilong Lapusa Invesmen. Na Minista bilong Bosim ol Provisn, John Nilkare, i go pas long Bomai Developmen Kopresen.

Isten Hailans Developmen Kopresen na Gouna Developmen

Kopresen i bung wantaim na papa long Lapusa Invesmen Pty Ltd.

Mista Anders Bergqvist i tok olsem ol i orait long Tunde Novemba 30 long kisim na bosim Gollin bisnis bilong salim kopi na lipti.

Em i tok olsem ol i orait tu long hamas mani dispela ol tripela kopresen bai putim long kisim dispela Gollin kampani bilong Australia.

Piplika na Bomai Developmen Kopresen bai putim 20 pesen na Lapusa Invesmen bai putim olsem 55 pesen. Dispela tripela bikpela bisnis grup bai tromoi klostu long K7 milion

long baim Gollin. Na bai ol i bekim dinau ya inap long 4 o 7 yia olgeta.

Anders Bergqvist i tok olsem namba wan bot miting bilong dispela tripela bisnis grup bai ol i holim long Goroka long Fraide Novemba 26. Long dispela miting bai ol i makim tu husat ol man bilong ol tripela bisnis grup bai go daun long Sidni Australia long Tunde 30 Novemba. Em de we ol papa bilong Gollin i givim kampani i go long han bilong ol dispela bisnis grup.

Bai i gat man bilong wan wan bilong ol tripela bisnis grup i makim ol long Australia.

Long ol dispela tripela bisnis grup long Hailans, Lapusa Invesmen em i bikpela grup long olgeta.

Mista Anders i tok olsem bikpela tingting bilong ol long kisim dispela Gollin kampani em long wanem PNG em i wanpela bikpela kopi kantri. Em i save kamapim planti kopi na sapos PNG i bosim Golins kampani ol i ken gat bikpela sans long salim planti moa kopi ausait long kantri.

Em i tok tu olsem, PNG i gat gutpela lipti tasol i no gat inap long ol ausait kantri.

Anders Bergqvist i save wok long Isten Hailans provinsal gavman long Komes

Dipatmen long 1976. Long 1977 em i kamap Jeneral Menesa bilong Gouna Developmen Kopresen. Long 1979 Gouna Developmen Kopresen na Isten Hailans Developmen Kopresen i bung wantaim na kamapim Lapusa Invesmen Pty Ltd.

Dispela tupela bikpela Developmen Kopresen i laik join wantaim na kamapim bikpela bisnis. Em i wanpela bikpela tingting bilong ol bikman bilong tupela bisnis ya long taim ol i join wantaim.

Anders Bergqvist em i bilong Swiden, long Yurop.

Balus Nogut O Ples Balus

Nogut


MISTA Mathew Bendumb, Minista bilong Transport i askim pinis dairekta bilong Sivil Aviesen, Mista Joe Wal long sekap long Finsafen ples balus long Morobe Provisn.

Em i mekim dispela askim bihain long 5-pela palamen memba bilong Morobe klostu i bin painim birua long balus long wiken taim ol i go pundaun long Finsafen ples balus.

Balus ol i bingo long en, em balus bilong



Tom Awasa



Timothy Bonga



Henu Hensingut

PNGBC. Long taim balus i pundaun long ples balus, fran wil bilong en i bin sutim sap ston o samting olsem na i bin bruk. Tasol pilot i stiaim balus gut na nogat bagarap i kamap.

Dispela 5-pela

memba bilong Morobe em, Tom Awasa, Timothy Bonga, Henu Hensingut, Ningiau Masigil na Giri Yaru.

Long palamen, Lae MP, Mista Tony Ila i askim Minista bilong Transport sapos em i tingting long salim

dispela balus bilong PNGBC long narapela kantri. Mista Bendumb i tok olsem, em i no kisim ol ripot nogut bilong balus ya yet. Tasol em i tokim palamen olsem em i bin save pinis long toktok bilong taia i bruk long Finsafen ples balus.

Memba Helpim Pipel

STAT long Novemba 26 bai Saten Hailans Provisnal gavman i stat long rausim sampela mani long pe bilong ol provinsal memba long olgeta fotnait na givim long wok bilong helpim ol pipel long provins husat i sot long kaikai.

Dispela tok orait i bin kamap long Novemba 18 long miting bilong olgeta provinsal memba, bihain long ol i bin harim ripot bilong

siaman bilong Rilif Komiti, Mista Roy Yaki.

Dispela ripot i bin tokaut olsem, 70,000 manmeri olgeta nau i painim hevi bihain long ais i pundaun na bagarapim gaden kaikai bilong ol. Na mani ol i givim i go pinis long helpim ol i no inap long helpim olgeta pipel yet.

Rilif Komiti i laikim K1,074,400, inap long lukautim olgeta manmeri long kaikai. Ol memba i tok orait long rausim sampela mani

bilong ol na helpim rilif komiti taim spika bilong provinsal gavman, Mista Paka Kili i putim wanpela tok i go long olgeta provinsal memba i mas tingting long putim sampela mani i go long komiti.

Bai ol memba i stat rausim mani long Novemba 26 1982 i go inap long Jun 26 1983. Na provinsal gavman bilong Saten Hailans nau i laik askim olgeta memba insait long Nesenel Gavman i mas mekim wankain pasin.

Watpo San I Ret

LONG Mosbi, planti manmeri i lukim san long moning i save ret olgeta. Na ol i wok long pret na askim ol yet, "Yupela, las de i kamap klostu pinis o nogat?"

Tasol no ken wari tumas ol kandere susa na brata. Ol saveman bilong lukluk long san win na ren na ol klaut i tok olsem taim san i ret tru olsem, em i no olsem las de i kam klostu. Nogat. Ol i tok, i gat planti smok na das long klaut na olsem

taim san i kamap, das na smok i mekim na san i go ret olgeta.

Man long Mosbi husat i save lukluk long ren, klaut na ol samting olsem, Mista Nkama Nongko i tok olsem ren bai pundaun klostu nau. Em i tok olsem

taim bilong ren long pundaun em long fes wik bilong mun Novemba. Tasol ating nau, bai ren i kam long fes wik bilong Desember. Long 1981, ren i bin pundaun long fes wik bilong Oktoba yet. Tasol long dispela yia bai ren i let liklik.

WANTOK NIUSPEPA

Nius i kamap 52 taim long yia nau

Opis bilong Edita na Edvetaising long P.N.G.
P.O Box 1982, Borko
Telepon: 252500 Teleks: NE 22213
Edvetaising — Ph: 25 2304

LAE RABAU
Telepon: 42 2516 Telepon: 92 1509

PE BILONG WANPELA YIA, 52 NIUSPEPA

Ples	Air	Surface
Port Moresby		K 13.52
Rest of PNG	K 26.00	K 26.00
Australia & Solomons Is	AS 65.70	AS 44.42
Asia & Pacific Island	US\$ 85.80	US\$ 50.00
America & Europe	US\$ 132.60	US\$ 66.30

TAMBU TORO



Somare Malolo Kibung Long 1983 Baset



Michael Somare

Somare i pilim sik bihain long palamen i paitim toktok long 1983 baset long Tunde 23 Novemba.

Ol i kisim Praim Minista i go long haus sotpela taim bihain tasol long taim palaman i pinisim toktok bilong en long 2 klok moning long Tunde, 23 Novemba.

Dispela em long 3 klok moning pinis long Tunde yet. Dokta bilong em i tokim Praim Minista long i go stap long haus sik. Na long Trinde, 24 Novemba long oda bilong dokta yet Mista Somare i slip long haus sik tasol i stap we ol i sek ap gut long em.

Tokman long opis bilong en i tok olsem, Somare i bin em i komplem long baksait i pen.

Tokmam i tok, olsem ol memba long Trinde nait i spak nabaut na ol Minista tu i no tingting long sindaun gut long toktok bilong baset. Dispela i mekim Praim Minista i kisim moa hevi na mekim em i sik olgeta.

Dokta i wok long sek ap long em i tok olsem Praim Minista i stap orait tasol. Na askim em olsem Mista Somare i mas stap long haus sik tasol long Trinde we ol i ken sekim em gut tru.

PALAMEN inap long pinisim olgeta toktok bilong en long 1983 baset long Tunde 23 Novemba tasol ol minista na memba i no kamap long taim.

Pauline Laki

Sampela i go dring na spak i go insait long palamen long samting olsem 10 klok nait na arapela i mekim kain kain tok nogut nabaut em i no bihainim standing oda bilong palamen.

Sampela memba na minista i kamap bihan tru na i no long taim ol makim olsem 8 klok.

Na i bin i gat bikpela tingting olsem bai olgeta memba i givim toktok bilong ol long 1983 baset na pinisim olgeta toktok bilong baset pastaim long 2 klok moning. Tasol dispela i no kamap.

Na long Trinde, 24, Novemba long belo taim 85 memba na Minista i givim toktok bilong ol pinis. Dispela i larim 21 moa memba na 3-pela minista long givim baset toktok bilong ol yet.

Deputi klak bilong palamen i tok olsem bai ol inap pinisim olgeta toktok bilong baset long Trinde nait.

Na long Mande, 22, Novemba, memba

bilang Yangoru Sausia, Mista John Jaminan i bin sakim toktok na kirap long palamen i laik toktok. Em i katim toktok bilong ol arapela memba. Na spika Mista Bonga i tok save long em tripela taim olgeta long i no ken katim toktok bilong narapela memba.

Namba 4 taim em mekim wankain pasin. Na spika i rausim em olgeta bihain long 3 klok apinun olsem na Mista Jaminan i no go sindaun long palamen haus long dispela de.

Long dispela tasol na Lida bilong Nesenel Pati em Mista Jaminan i stap long en, Mista Ted Diro i tokim Mista Jaminan olsem, "em i no amamas nau long Jaminan i stap moa long Nesenel Pati.

Mista Diro i tokim Mista Jaminan long pas olsem em bai salim ripot long pasin Mista Jaminan i mekim i go long eksekutivim bilong Nesenel Pati.

Ol Nesenel Pati Eksekutivim em, Mista Diro yet i stap long en wantaim lida bilong dispel apati bipo, Mista Iambakey Okuk, Nesenel Presiden, Mista Michael Mel na siaman bipo bilong Nesenel Airlain Komisnin, na bisnisman, Mista Ben Sambumei.

Mista Jaminan i tokim Wantok long Trinde, 24, Novemba

olsem, "Dispela toktok yu lukim long Post Koria, Ted Diro i mekim long en i no stret.

"Mi bel hat na mi mekim dispela pasininsait long palamen. Mi laik toktok long bikpela Wewak-Maprik haiwe. Mi laik toktok long namba tu taim gen. Mi save spika i givim namba wan taim na mi toktok pinis.

Tasol mi bel hat long wanem ol rot olsem Hailans Haiwe i gat kolta, Magi Haiwe long Sentral provins i gat kolta.

Na long Wewak-Maprik rot bipo yet mi toktok no gat samting i kamap. Mi lukim Praim Minista long dispela pastaim tru long taim palamen i stat tupela wik i go pinis. Praim Minista i no tokim mi gutpela ansa. Dispela em i wanpela we tasol long mi long kirap toktok olsem.

Em i tok, "Mi wet tasol long kot bilong Mista Okuk. Sapos em winim kot na kam bek olsem memba bai mi i stap yet. Sapos no gat bai mipela i muv long senisim lidasip bilong Opposisen na Nesenel Pati tu. Nau long dispela taim i no gat gutpela lida. Planti bilong mipela i hangamap nabaut long strong bilong mipela yet na i stap.

Mi no tingting long i go long gavman long dispela taim. Sapos lidasip i no senis em i taim we bai mi wantaim 4-pela arapela memba bai i go. Dispela 4-pela memba wantaim Mista Jaminan em, Bill Ninkama, Gumine open, Pawa Sisioka-Karimui No-man Open na tupela arapela memba insait long nesenel pati."

Mista Jaminan i tok, "Mipela wantaim i toktok yet. Mi no inap go long gavman tasol bai mi stap olsem

independen memba. Nesenel pati nau i no stret na i no ran gut long wanem no gat gutpela lida."

Deputi klak i toktok tu olsem palamen bai kibung inap long Fraide, 26, Novemba. Narapela wik Mande na Tunde 29 na 30 Novemb bai ol memba i malolo. Na long Trinde bai ol kibung gen. Dispela em taim bai ol makim husat man bai kamap nupela gavana jeneral bilong kisim ples bilong Sir Tore Lokoloko.

No Gat Pablik Transpot

STAT long 11 klok long nait i go inap long 4 klok long moning, ol pipel long Mosbi i save painim olsem i no gat tru pablik transpot. Ol bas i save pinis wok long 7 klok long nait na ol teksi i save pinis wok long 11 klok.

Dispela hevi i stat long mun Me long dispela yia, 1982.

Long ol yia bipo ol teksi i save wok long olgeta aua bilong de na nait. Tasol long mun Me 1982 wanpela draiva bilong Loaloo

teksi i bin dai long Morata. Ol man nogut i bin sutim em indai long naip long wanpela nait taim em i bin kisim ol i go long haus bilong ol.

Sampela man long Mosbi i ting olsem i gutpela long ol teksi i stap wok long nait long 11 o 12 klok, long wanem ol i sori long ol draiva na i no laikim ol i painim kain birua olsem. Tasol planti man moa i ting olsem dispela pasin i no gutpela tumas. Ol i laik teksi i wok long nait i go inap long moning taim.

Kaunsil Stapim Pilai Laki

PLANTI ol papa bilong ol pilai laki bisnis insait long ol maket long Mosbi i no gat tok orait long mekim dispela wok. Long wanem tok orait bilong ol bilong 6-pela mun i pinis na ol maket supavaisa i no sekap na tok save hariap long ol.

Welete Wararu

Lucas Poloe, husat i bosim wok bilong ol maket long Mosbi i tok ol i bin tok save long ol komiti bilong maket. Tasol sampela pipel i no harim tok bilong ol.

Mista Poloe i tok sapos ol dispela pipel i go het yet long mekim ol pilai laki long maket, bai ol plis i ken rausim ol long maket. I bin i gat 20 pipel olgeta husat i bin kisim tok orait long kaunsil long wok kain pilai olsem long mun Mas.

Ol dispela pipel i bin traime long painim mani long helpim ol grup bilong ol. Tasol bihain long dispela moa pipel i kamapim

dispela pilai olsem fultaim wok bilong ol. Na ol i no gat rait long mekim dispela.

Insait long Godons, Waigani, Koki, Hohola na Boroko maket, planti ol pipel husat i no gat wok nau i wok long kirapim bisnis bilong pilai laki long maket.

Dispela bisnis bilong pilai laki i save kamap long olgeta de bilong wik, no gat malolo. Taim maket i op na planti man i kam insait long maket, pilai laki tu i stat. Na i stap i go inap taim maket i pas long 6 klok apinun.

Long Gordons maket yet i gat tupela kain pilai laki. Wanpela em long ol man i save hangampim K1 i go inap long K20 long wil. Na ol i save singautim ol manmeri long maket long kam baim tiket long 20 toea. Orait man bilong bosim wil i taim wil mani.

Sapos kastama i tok, bai wil i stap long K5 na sapos wil i stap long K5 orait man ya i kisim mani. Tasol sapos i abrusim mak oi no stap stret orait em i lusim 20

toea bilong em nating.

Namba tu kain pilai em long pilai laki wantaim kas, we ol pipel i ken winim mani i go inap long K5 tasol. Pasin bilong dispela pilai laki em olsem, sapos yu baim 10 toea long kas na sapos man husat i katim kas i lukim kat em, daimen kwin. Orait sapos kas yu baim long 10 toea i wanpela kwin, bai yu winim K1. Na sapos yu baim long 20 toea, em K2, 30 toea em K3, olsem tasol i go inap long K5.

Dispela bisnis bilong pilai laki i bin stat long mun Mas. Namba wan man bilong statim dispela kain pilai laki Stephen Waula bilong Gumine insait long Simbu Provins na em i tok, "Taim mi laik statim dispela pilai bisnis long mun Mas, mi bin baim K100 olgeta i go long siti kaunsil long kisim laisens."

Dispela laisens i bilong 6-pela mun. Tasol siti kaunsil i tok ol i no save kisim K100 long ol pipel ya. Ol i givim tok orait long ol



Dispela wil ya ol i wokim long plang. Sapos yu go long sampela bikpela maket long Mosbi bai yu lukim planti kain laki tiket gem i stap. Wanpela laki tiket gem em dispela wil i gat mani long en. Yu baim tiket na sambai long winim mani. Poto i soim wanpela wil mani long Gordons maket.

tasol.

Ol dispela pipel i save tromoi K1.20 tasol long get bilong maket taim ol i laik go insait na wokim bisnis bilong ol.

Long Boroko maket,

John Miria bosman bilong pilai laki long maket i tok, "Mi save baim 60 toea tasol long dua long putim dispela bisnis. Na pilai i wankain tasol olsem ol pren bilong mi husat i

save putim pilai long Gordons maket.

"Long wanpela de sapos planti man i kam baim kas long pilai, mi save wokim profit mani olsem, K40 i go inap long K60. Mi no pilai

nating. Mi lusim mani long baim laisens olsem na mi mas wok bisnis. Wankain olsem ol arapela man i kam salim kaikai long maket miplea tu i kam insait ng mekim mani."

Pauanda Pawa Stesin Klostu I Pinis

WOK bilong Pauanda pawa stesin long Saten Hailans bai i pinis long mun Ogas, 1983.

Dispela K20 milion pawa stesin bai yusim wara long saplaim strong o givim sapot i go long bikipela pawa haus long Yonki.

Strongpela pawa em Pauanda stesin bai saplaim inap long 12 mekawots. Minista bilong Minerals na Eneji na Provinsal memba bilong Saten Hailans, Mista Francis Pusal i bin tokaut long dispela long 22, Novemba.

Wok bilong pawa stesin i bin stat long 1978. Na na em projek bilong Nesenel Gavman. Na dispela K20



milion i kam long nesenel gavman yet. Pastaim long ol statim dispela pawa stesin ol i plenim olsem dispela Pauanda pawa stesin bai saplaim pawa i go long Saten, Westen Hailans na Enga Provins.

Tasol nau ol i senisim tingting we bai em i givim strong tasol i go

long Yonki. Mista Pusal i tok, "Plantim ol i save katim pawa long ol provins olsem Morobe, Madang, na Westen Hailans.

"Dispela long wane no gat inap strong long saplaim pawa long olgeta Hailans provins na Morobe na Madang.

"Em olsem na mipela i pilim olsem Pauanda bai i no inap sevim tripela provins tasol long Hailans. Olgeta strong bilong em bai sapotim bikipela pawa haus i stap long Yonki."

Na Yonki yet bai saplaim pawa long Morobe, Madang, Isten, Westen, Saten Hailans, Enga na Simbu provins. Na nau long dispela taim Enga na Saten Hailans i no kisim sevis bilong Yonki. Taim olgeta wok i pinis long Pauanda bai Yonki i


gat moa strong long sevim gut olgeta dispela provins.

Nupela pawa stesin i sanap long boda mak stret bilong Westen na Saten Hailans. Na i stap samting olsem 30 kilomita long Mt Hagen taun tasol na longwe long Mendi liklik, samting olsem 40 kilomita. Tasol em i stap long sait bilong Saten Hailans.


Pauanda pawa stesin bai pulim wara i kam long wara Kaugel. Em i hap we stesin i stap long en. Na i stap wan kilomita longwe long Kaupena so-mil.

Ol ensinia na opisa bilong Elkom i bosim wok bilong Pauanda pawa stesin. Na wok tru em Barclay Brothers i gat kontrak long pinisim. Na ol yet i wokim pawa stesin.

Nau ol i mekim rot bilong kisim olgeta pawa i go daun long Yonki tasol.



Long mun Januery 1982 wok long Pauanda Haidro i luk olsem. Ol i katim maunten bai longpela paip i kam daun. Dispela bai karim wara i kam bilong ranim masin bilong wokim lektrik pawa.



Wara bai kapsait i kam daun hia insait long bikipela paip. Haus pawa bai stap daunbilo long lephan. Dispela Haidro pawa stesin bai sanap klostu long bikipela hairwe i ran namel long Hagen na Mendi.



Haus pawa tru long Pauanda Haidro bai sanap hia. Long mun Januery 1982 i luk olsem ol i stat tasol..... Ol i ting bai pawa stesin ya i redi long mun Ogas 1983.

Dokta Stretim Gen Ai

LONG tupela yia olgeta, rait ai bilong Kanat Mbuseh i bin pas olgeta i stap inap long mun Oktoba long dispela yia we em inap lukluk gen long tupela ai bilong em.

Kanat Mbuseh i gat 62 krismas na em i bilong Bowat viles long Lorengau distrik Manus Provins.

Tupela yia i go pinis, Kanat i lukim olsem wanpela waitpela samting i wok long karamapim ai bilong em isi isi. Em i no save bai em i mekim wanem samting long stretim dispela hevi. Na tu em i ting olsem bikos em i winim pinis 62 krismas em i taim bilong tupela ai i pas.

Tasol bihain em i painim olsem lep-ai

bilong em tasol i gutpela yet na em i save yusim dispela ai tasol long dispela tupela yia i go pinis.

Tasol nau bihain long ol dokta long Mosbi haus sik i stretim dispela hevi ai bilong em i klia olgeta olsem bipo. Tasol i luk ret yet.

Kanat i tok, "Mi ting olsem mi lapun nau na em i taim bilong tupela ai tu i pas. Tasol bihain wanpela tasol i pas we bikipela waitpela samting olsem klaut i karamapim. Em i kamap long wanpela tasol na mi tingting, planti olsem mi mas mekim wanpela samting.

"Sapos taim bilong mi long aipas, em bai narapela ai tu i kisim wankain sik. Em nau mi askim wanpela

pikinini bilong mi i stap long Mosbi. Na em i salim tok i go long mi long Manus olsem i gat dokta i stap long Mosbi i save gut tru long sik bilong ai."

Kanat i kam long Mosbi long Septemba long taim pikinini bilong em i salim tiket i go. Em i stap wantaim pikinini bilong en na i go long bikipela haus sik we ai dokta i sekap long ai bilong em. Na long namba tu taim em i go na dokta i wok long ai bilong em.

Kanat i tok, "Mi amamas tru nau mi ken lukluk long tupela ai wantaim. Na mi laik givim bikipela tenkyu tru long ai dokta long bikipela haus sik long Mosbi husat i bin stretim ai bilong mi.

"Na mi laik putim dispela long niuspepa long wanem i gat planti

pipel i gat dispela kain hevi i stap long Manus. Na mi ting long narapela hap long kantri tu.

"Mi gat save olsem i gat tupela kain aipas. Wanpela em ol pipel i lapun na i taim ai bilong ol i aipas. Arapela i olsem bilong mi we kain kain sik i kamap na bagarapim ai. Hia ol i ken kisim helpim long haus sik. Tasol yu save, no gat dokta bilong ai i stap klostu long ol provins.

"Sapos ai dokta i stap klostu long ol provinsal haus sik em bai planti pipel i go kisim helpim na kisim ai-glas. Hia narapela lain i gat wankain hevi i ken lukim na bihainim dispela rot.


"Mi gat bilip olsem sapos yu laik i stap longpela taim long graun, maski bikipela mani long baim balus i

kam long Mosbi. Mi mas kisim helpim long stretim ai bilong mi."

Kanat i no man nating. Em i bikipela man long komyuniti na em i gat 11-pela pikinini olgeta. Na em i maritim tupela meri.

Stat long 1956 inap long 1963 em i luluai long ples bilong em long Bowat. Na long taim Not na Saut Manus i bung wantaim na kamapim wanpela lokal gavman kaunsil, Kanat i wok olsem wanpela komiti bilong dispela Kaunsil.

Em i holim dispela wok long 1964 inap long 1972. Na 1973 inap narapela yia em, i bosboi long Sapalau na Patuam kokonas plantesin. Bihain long dispela wok em i wok olsem wanpela man i save stretim ol toktok bilong graun.



Kanat Mbuseh

Stat long 1977 i kam inap nau em i siaman bilong viles kot mejistret long wot 27 insait long Manus Provins. Long taim Kanat i kamap lida bilong ol pipel bilong em long Bowat viles, em i save wok hat tru inap taim ai bilong em i bagarap. Dispela sik long ai i

sloim wok bilong em. Tasol nau em i no gat wari moa.

Em i tok, "Mi wet tasol inap narapela wik mi go kisim aiglas bilong mi orait bai mi go bek long ples. Na bai mi go het yet wantaim ol wok bilong mi insait long komyuniti.

Liklik Senis Long Ol Dipatmen - Lohia

I gat planti posisen bilong ol wokman bilong Pablik Sevis i stap nau long 4-pela nupela dipatmen insait long Nesenel Gavman.

Taim Nesenel Gavman i rausim dipatmen

bilong Bosim ol Provins, Komyuniti na Famili Sevises, Komes, Bosim ol Taun na Pablik Yutiliti, em i kamap 3-pela narapela nupela dipatmen na tupela nupela opis.

Planti posisen insait long ol dispela nupela

opis na dipatmen i no gat wokman yet. Mista Renagi Lohia, siaman bilong (PSC) Pablik Sevis Komisen i tok olsem, bai komisin i no ken muvim ol man long ol dipatmen i go nabaut.


Mista Lohia i tok,

"Mipela i no inap long senisim ol hetman long ol dipatmen, tasol mipela bai lukluk long ol posisen i no gat wokman long en na painim ol gutpela man long wok long ol dispela posisen insait long ol nupela opis na

ol nupela dipatmen." Em i tok tu olsem, sapos ol i muvim nabaut ol hetman long ol dispela nupela dipatmen i kam long ol narapela dipatmen, bai i gat narapela hevi i kamap gen. Husat bai kisim ples bilong ol



Renagi Lohia



Paradise

FOR FRESHNESS AND QUALITY... PARADISE BISCUITS

ALSO THE MAKERS OF FINE



Bread, Pies, Pasties and Donuts.

PARADISE BAKERY GROUP

PORT MORESBY
Kunai St., Hohola.
P.O. Box 1624, Boroko.
ph: 25 5124

LAE
Butibum Rd., Taraka
P.O. Box 2173, Lae.
ph: 45 7177

RABAU
Vulcan St., Rabaul.
P.O. Box 257, Rabaul.
ph: 92 1957

HEB 1785

taim ol i lusim olupela wok bilong ol?

Pablik Sevis Komisen i no laik gavman i painim ol hevi bilong sot long ol hetman long opis bilong wan na dipatmen. Olsem na Mista Lohia i tok, Pablik Sevis Komisen bai pulimapim tasol ol posisen long ol nupela dipatmen na opis em nau i nogat man long lukautim.

Mista Lohia i tok olsem, em i bin toktok long nius olsem em na komisin bilong em bai putim sampela pablik sevans long ol nupela wok insait long ol nupela opis na dipatmen.

Em i tok olsem, em i no inap long kolim nem bilong ol man husat bai kisim ol posisen long ol nupela opis na dipatmen. Em i tok ol nem i stap pinis long Nesenel Eksekutiv Kaunsil na bihain long ol i oraitim dispela ol nem bai Pablik Sevis Komisen i


kolim aut long ol pablik.

Sampela ol posisen bai i gat wokman long stat bilong narapela yia 1983. Tasol sampela man bai kisim posisen bilong ol long klostu long pinis bilong dispela yia 1982. I gat ol posisen i no gat wokman long ol dipatmen long nesenel gavman na tu long ol provinsal gavman long wan wan provins.

Mista Lohia i tok, "Mipela i tingting tu long pulmapim ol posisen long ol opis bilong provinsal gavman na tu ol narapela opis em ol i save wok klostu wantaim gavman. Nem bilong ol man long opis bilong ol provinsal gavman long wok long ol dispela nupela dipatmen na nupela opis, em tu i samting bilong mipela. Na mipela i tingting long lukluk insait long ol dipela samting.

RABTRAD'S CHRISTMAS CLEAN UP

Hurry hurry hurry down to the Rabtrad Warehouse Mataram St., Lae and help them clean out the warehouse to make way for new stock of Omo. This could be your last change to stock up at these fantastically reduced prices. It's selling fast and they'll soon be cleaned out - so don't miss out - help Rabtrad with their Omo Clean up, (and help yourself too!! with these low, low prices).



RABTRAD

The Wholesale People!

Rabtrad Niugini Pty. Ltd., P.O. Box 1406, Lae

Phone: 42 2366 Telex: NE42535

RAB 001

NO KEN TOK BAKSAIT

Dia Edita - Nau mi laik askim ol bikman stret bilong oposisen bai mi kolim nem bilong ol, Ted Diro, John Momis, Julius Chan na ol sampela lain bilong ol.

Plis tru mi laik tokim yupela olsem, bihain long arapela taim, maski tok baksait moa long Somare. Yes liklik malolo bilong em wantaim famili bilong em long Australia na Pasifik Ailan, em i orait. Em i bin yusim liklik mani bilong em



yet na i no yusim mani bilong gavman. Nogat ya. Olsem nau ai wara bilong yupela i kam daun. Mi tok yupela ya, sampela bikman i save kraik olsem liklik bebi kraik long dring sus?

Long Ogas 30 long Kontek progrem long redio, mi bin harim Somare, tok klia long liklik malolo bilong em wantaim famili bilong em. Olsem na harim gut, maski tok bihain moa long Somare, em i klia moa.

Plis mi laik askim yupela ol bikman nabaut bilong oposisen. Husat i kamapim self gavman na independens? Em Somare tasol.

Steven A. Tamari
Bulolo, Morobe.

DAUNIM PMV FI

Dia Edita - Mi wanpela wokman bilong Ramu Suga na mi bilong Maun Hagen, WHP. Olgeta taim mi lukim long Wantok Nius olsem, ol sampela man i tok, "Pe bilong PMV mas go antap. Ol i makim pinis olsem, long Kainantu i go long Goroka, prais em K5.50.

Mi yet i no amamas long dispela. Ples we ol kisim K2 long en, yupela papa bilong PMV mas kisim K2 o K3 samting. Em inap tasol yupela save makim antap tru na tarangu sampela man-meri bai kisim mani we na baim PMV. Mipela ol wokman yes, i ken baim PMV i go kam.

Tasol tingim ol lain bilong ples. Bai ol i painim mani we? Mi no amamas long tok bilong yupela. Plis yupela mas daunim prais bilong PMV.

Rami Waria,
Ramu Suga,
Morobe Provins.

LUKLUK LONG 1986

Dia Edita - Wari bilong mi i go long ol pipel bilong Komo long wanem nau mi laikim yumi mas stap tasol na wetim 1986 ileksen. Stat long 1982 i go inap 1985, yumi mas glasim gut wok bilong ol memba bilong yumi insait long Provinsal na Nesenel gavman.

Long las yia, i luk olsem no gat wanpela developmen i bin kamap. Long 1986 ileksen, mi laikim ol yangpela manki bilong yumi i gat bikpela save i ken ranim wok gut. Olsem na mi laikim yumi yet mas givim ful sapot long ol na votim ol, sapos wanpela bilong ol i laik sanap

long 1986 ileksen.

Moses Tindiye Hetapi,
Arawa, NSP.



WATPO PULAP LONG MADANG

Dia Edita - Mi wanpela manki Sepik. Na mi gat bikpela wari long ol lain bilong mi nau i stap nabaut long kantri. Planti bilong ol nau i stap long Madang taun.

Madang. Traim na i go bek long ples o provins bilong yupela na wokim bisnis. Mi laik tokim yupela olsem ating ples bilong yupela i no gat graun stret na yupela i pulap tru long Madang.

Mi laik Madang Taun Kaunsil i mas mekim wanpela samting nau. Olsem wanem na taun kaunsil o provinsal gavman bilong Madang i slip tumas. Yu no inap opim maus na ai bilong yu?

Plis yupela i mas rausim ol Sepik husat i no gat wok na i stap nabaut long Madang. Na tu planti bilong ol i wokim bisnis nau long

Sapos mi i go stap long Madang provins na ol i tok bilas long mi, bai mi kam bek long provins bilong mi pinis. Tasol yupela ol Sepik het bilong yupela olsem ston bilong ples bilong yupela. Traim na sem liklik.

Kengi J. Lom
Timbungke Station
E.S.P.

PAIT LONG KAMAP MINISTA

Mi wanpela manki Sepik. Mi bilong Angoram distrik long Is Sepik Prvons. Na nau mi stap hia long Mosbi. Somare i kamap Sief Minista na i fomim namba wan kolisen gavman wantaim lapun tumbuna ya Sir John Guise bilong Milen Be Provins. No gat planti man i toktok strong long rausim gavman bilong Australia. Em Somare tasol.

Planti milion man i save as tru bilong dispela kantri i kisim Indipendens. Long mun Septemba 1975, no gat toktok planti o kros namel long Australia na sampela Komonwelt kantri. Nogat tru.

Nau planti doti politikis i bagarapim PNG nau. Komplon long wok minista na tingting tasol long kisim pawa long strong bilong narapela man. Wok minista i no wanpela impoten samting long kantri i go het o long wok bisnis na bringim planti mani i kam insait long kantri. Yumi save komplon long kisim wok minista. Tru husat man i olsem Praim Minista o

lida bilong yumi long dispela ol taim i kam, i holim wok nau.

Yupela ol memba husat i sanap wantaim long kamapim Gavman, orait, yupela yet i makim man long wok Praim Minista. Em nau em i kamap lida bilong dispela kantri. Bihain em i makim ol minista o man bilong wok wantaim em long lukautim ol bikpela wok bilong Gavman dipatmen. Yupela ol memba i mas luk save long ol lain bilong yupela. Husat long yupela lida yu i givim wok minista, na maski long komplon namel long ol lain bilong yupela. Em dispela kain pasin bai gavman i no wok gut na paulim wok bilong em i go pas long gavman yupela kamapim. Planti tausien man i ritim ol niuspepa na ol i no amamas long dispela pasin i kamap bihain long yupela kamapim gavman pinis.

Na gavman i wok rong nau. Sampela lain bilong wok long yupela i luk save nau. Orait ol bung nau long rausim lida yupela makim. Orait hat wok ken i

kamap long bungim gen nupela lain bilong kamapim nupela gavman. Narapela komplon gen long ol memba husat i no kisim wok minista, em ol i tok, "Sapos Praim Minista i no givim mi dispela wok minista mi laik long en, bai mi pinis long toktok helpim em long pati bilong em. Bai mi joinim dispela lain gen bipo mi stap wantaim ol na mipela bai kamapim nupela strongpela gavman."

Em i wanpela rabis tingting tru bilong ol memba. Yupela ol memba husat i kamapim gavman nau long dispela taim i mas wok bung wantaim gavman na ol minista husat i lukautim ol wok bilong gavman. Mipela ol man ausait i no makim yupela long kisim wok minista. Nogat. Mipela makim yupela long kamapim gut wok bilong kantri na lukautim mipela. Mi save aslo bilong yupela ol memba long wanem yupela ol memba i wari tumas long mani na wokabaut long fri transpot. Long wanem yupela ol memba i no

save kisim wankain mani long potnait na long yia. Ol memba nating i gat narapela pe na man husat i holim wok minista i kisim moa antap long memba nating. Em as tru bilong yupela i laik long kisim wok minista. Em olsem na yupela komplon tumas, i no tingting long narapela kain samting. Planti pablik i luk save long ol niuspepa na save pinis long dispela.

Orait wanpela tingting bilong mi long Is Sepik palamentieren o ol memba bilong Pangu pati. Yupela man. Yupela mas bungim Mista Somare na miting wantaim em na toktok long tupela minista ya, Tony Bais na Pita Lus. Tupela mas pinis long wok minista na givim long narapela man long wanem i gat planti komplon. Praim Minista o rejinal memba bilong Is Sepik. Tasol i ken lukautim mipela. Karl Stack em i orait long Wes Sepik. Traim na daunim dispela hevi. Long wanem planti hap ol i tok Praim Minista Mista

Somare i mekim wantok sistem.

Orait traime bungim Somare na yupela memba bilong yumi long Is Sepik toktok wantaim Mista Somare na traime lusim Tony Bais na Sir Pita Lus. Yu husat man bilong Is Sepik o memba orait traime sapotim mi long dispela aida long wanem komplon i kamap long Lae long Tony Ila na long namba tu lida bilong Yunaitet Pati, Mista Paul Torato. Tru mi ken tok long memba bilong Enga, Paul Torato. Em i gat rait long komplon. Long wanem em i namba tu lida bilong Yunaitet Pati poroman tru wantaim Pangu. Nau namba tu taim bilong tupela long ranim gavman. Tingting tasol long Mista Paul Torato. Na long Tony Ila, em i orait, bipo em i minista pinis long Somare gamvan. Na em i no mas komplon moa long wok minista. Em i ken memba nating na sapotim Somare na Pangu Pati bilong tupela. Tru em i strongpela man na

mipela olgeta man i save gut long Tony Ila. Tasol em i mas luk save long wok bilong em. Em i bikpela man long Tret Yunion Kongres. Sapos em wok olsem Leba Minista bai no stret liklik. Planti long ol man i save olsem em bikman bilong harim toktok bilong Leba

Dipatmen. Bipo em i wanpela Leba Minista bilong Somare gavman na em i no stret tumas long askim long kamap Leba Minista gen. Tony Ila yet i mas tingting gut pastaim long em i ken tok.

Albert. A. Yuwo,
Mosbi.

MIPELA I NO KRAI NATING

Dia Edita - Nau mi laik bekim pas bilong wantok Kuva Laga bilong Morobe Provins, pas i kamap long Wantok Nius, Sarere 18 long dispela smatpela topik bilong em.

Bikman, pastaim tru mi laik askim, yu bin i go long sampela kain skul? Na yu tingting pastim bipo long yu kamapim dispela kain toktok bilong yu o nogat.

Brata, yu tok long ol Hailans olsem ol i save kraik long bikpela wok, em i no tru. Maski long stap long bikpela siti olsem Lae na mekim kain toktok olsem brata. Mi tokim yu, sapos yu ting ol Hailans i kraik long bikpela wok, em i min olsem yu daunim pinis ol na yu laik givim gutpela save.

Wantok, wanem hap yu go long PNG, ol Hailans i win tru.

Tru tumas mi tokim yu, sapos yu lukim wanpela manki Hailans long rot bai yu painim rot bilong ranawe. Yu ting ol Hailans i kraik long bikpela wok bikos ol i laik karim meri na pikinini i go long ol ovasis kantri? Ating yu tingting long karim pikinini na meri bilong yu long go ovasis na bai yu i no inap long tingim ol lus manmeri bilong yu.


Lagu, yu ting ol man i stap na kraik long bikpela wok nating? Em ol man bilong helpim yu. Olsem na tingting pastaim, smat Lagu. Neks taim, sapos yu man tru, yu mas go antap long Hailans na traime ol, nogut yu wanpela man bilong raitim ol pas na salim i go long nius leta, wantok Lagu. Yu mas amamas na sapotim mi na bai mi amamas long ritim pas bilong yu long Wantok Nius.

Andrew Nupiri,
Ok Tedi Project,
Daru, WHP.

BIABIA



DAIHATSU



THE DRIVING FORCE



GIVES YOU DAIHATSU DELTA

The Tougher Truck.

Daihatsu Delta is the tougher truck for PNG. With a choice of petrol or diesel and cargo decks, Daihatsu Delta lets you choose a light truck that's just right.

You're in good company.



Daihatsu is sold and serviced throughout PNG by Pacific AMI, a member of the Burns Philp Automotive Division. So you know you're in good company with the new driving force. Call in for a test drive of the new choice Daihatsu Delta today.

PACIFIC DAIHATSU

PORT MORESBY	21 7140	LAE	42 2322
MT. HAGEN	52 1888	RABAUL	92 1988
KIETA	95 6083	MADANG	82 2188
WEWAK	86 2255	KIMBE	93 5115
POPONDETTA	29 7240	GOROKA	72 1844
KAVIENG	94 2132		

A MEMBER OF THE  BURNS PHILP AUTOMOTIVE DIVISION



GS3029

Stapim Ol Bisnisman I Kalapim Lo

MOA kampani na ol bisnis man bilong arapela kantri i gat wok bisnis long PNG. Wanpela rot long mekim ol bisnis i kamap bikpela em long grisim man, wok hait na kalapim lo bilong kantri.

Gavman i mas mekim wanem long ol stapim dispela pasin? Yu ting wanem?



Dorothy Ainui

Dorothy Ainui i bilong Matalau viles, Rabaul, Is Nu Briten Provins. Em i wok wantaim Nesenel Kaunsil ov Wimen long Mosbi.

Dorothy i tok,

"Gavman i no ken isi long ol bikman bilong PNG. Em i mas salim ol i go kalabus pastaim. Na i no ken wanpela komiti i harim stori bilong ol. Mipela save, dispela kain ol komiti bai bihain i larim ol bikman i go fri o lusim wok bilong ol tasol.

"Dispela i no stret long ai bilong ol pipel bilong dispela kantri. Maski bikman o no gat em i mas kalabus stret. Na ol bisnisman bilong narapela kantri tu i mas i go long kalabus. Dispela bai soim rot na kain trabel olsem i no ken kamap moa bihain.

Planti bilong ol i wok hait.....dispela kain wok aninit long trabel o baksait long haus na i no long opis. Ol kain bisnis olsem i no stret.

Yu Ting Wanem?

"Mi save, bipo mi yet i go raun long statim ol haus kaikai o kain bisnis olsem. Na Dipatmen bilong Komes i tok kam bek gen bihain. Taim mi go bek ol i tok sori mi givim pinis long wanpela Filipino. Dispela kain tok i mekim mi bel hat tru. Gavman i tok strong long ol asples manmeri long ranim ol liklik bisnis na nau we stap. Em i givim yet long ol ausait pipel.



Lili Kilori

Lili Kilori i bilong Iokea viles long Galp Provins.

Em i tok, "Mi i gat strongpela bilip olsem gavman yet i brukim dispela lo em yet i putim long yumi i bihainim. Sapos wanem bisnisman o bikman bilong arapela kantri na bilong PNG i mekim kain wok bisnis

olsem, orait, gavman i mas givim bikpela mekim save tru long ol."

Na i mas i gat samting mipela i no save long en i save kamap riamel long ol opisa i givim tok orait na husat ausait man i laik wokim ol bisnis olsem.

"Gavman i mas

mekim strongpela lo long dispela. Sapos no gat bai ol pipel i no gat bilip long gavman. Gavman yet nau i bagarapim wok bisnis bilong kantri, ol pipel na lo tu. Na planti taim ol bikman bai i no inap kisim bikpela mekim save olsem olsem mipela manmeri nating."

Valentine Sebuloni i bilong Normanby Ailan long Milen Be Provins. Em i wanpela selsman long Boroko.

Valentine i tok, "Mipela i no laikim dispela kain pipel i kamapim kain kain hevi olsem. I gat wanpela rot tasol, em long man bilong dispela kantri na bisnisman bilong narapela kantri i mas i go long

kot. Na bihain long ol i kamap long kot, orait rausim ausaitman i go bek long kantri bilong em.

"Gavman i mas pinisim dispela bisnis i stap long kantri. Na ol liklik han bisnis nabaut wantaim ol pipel na kampani bilong dispela kantri tu i mas pinis olgeta.

"Dispela ol bisnisman i save kam long wanpela kain wok

bisnis tasol, long ai bilong gavman. Bihain em i stap insait long kantri na kamapim nabaut bisnis pinis na save gut tru long pasin bilong ol pipel na hap hia. Em i stat long brukim lo long kamapim kain kain moa bisnis. Kotim ol pinis na ol i mas go bek long kantri bilong ol yet. Na bisnis bilong ol i ken i go long han bilong Nesenel o Provinsal gavman."



Valentine Sebuloni



Maria Javigut

Maria Javigut i wok long PNGBC long Boroko. Em i bilong Dagua long Wewak, Long Is Sepik Provins.

Maria i tok, "Mi les na mi no gat toktok long kain pipel olsem. Ol i save gridi na tingting long gutpela sindaun bilong ol yet. Taim ol i stap bbikman ol i laik mekim nabaut samting long laik bilong ol yet, long

wanem dispela em sans bilong ol. Bihain ol i pinis long dispela wok ol holim, bai no gat nau.

"Mobeta kain man olsem i mas kalabus tru. Ol i no mas kot tasol na pinisim ol long wok bilong ol. Mi no ting dispela bai kamapim gutpela nem. Maski husat i dairekta bipo long wanpela bisnis o dipatmen, em i mas kalabus tru. Em

bai ol pipel i gat bilip olsem em i kisim draipela mekim save tru na i gat strongpela lo long kantri.

"Ol pipel bilong narapela kantri husat i mekim kain pasin olsem i mas go. No ken i stap hia. Gavman i mas kisim olgeta samting long han bilong bisnis man ya na kikim em aut i go nating long ples bilong em."

Miti Waluka i wok long Defco long Mari Bareks, Mosbi. Em i bilong Tamigini long Siassi Ailan, Morobe Provins.

Miti i tok, "Kotim ol man ya bilong narapela kantri. Gavman i mas givim bikpela mekim save tru

long ol orait bihain salim ol i go bek long kantri bilong ol yet.

"Mi ting i no gat strongpela lo long ol kain hevi olsem. Ol man bilong arapela kantri i brukim lo long wanem ol bikman bilong hia yet i seksek tumas long ol samting ol bisnisman ya i laik givim long ol. Na sapos

bikman bilong PNG yet brukim lo em i bai bisnisman bilong narapela kantri tu i bihainim.

"Ol bikman o husat pipel long gavman na kampani tu i mas stretim pastaim het bilong ol gut wantaim lo bilong kantri. Na maski guria long mani tumas."



Miti Waluka

bisnisman bilong asples i ranim.

"Dispela kain gavman bilong ol pipel i soim bikpela bilip long en. Tupela man wantaim, man bilong PNG na man bilong arapela kantri i go daun olgeta. Pinisim bisnis bilong tupela na mas kamap long kot. Ol narapela lain i no ken ting olsem PNG i kantri we ol i ken kam na mekim trik nabaut na ranim kain bisnis olsem blak maket."



Sole Numa

Sole Numa i bilong Bonanamo viles long Rigo, Sentral Provins. Em i wanpela akaunten long Yuni Ilektrik long Hohola.

Sole i tok, "Gavman i save isi long ol man i gat kontrak long wok long hia. Taim ol i stap hia longpela taim ol i save long pasin bilong yumi long ranim bisnis. Ol i painimaut olgeta liklik kain rot na bihainim ol.

"Ol i save long ol liklik trik na statim ol bisnis bilong ol yet wantaim nem bilong ol Papua Niugini pipel long sampela taim. Na mi ting gavman i no ken larim ol dispela pipel i stap o surikim kontrak bilong ol. Ol bisnisman bilong kantri i brukim lo bilong kantri na kisim ol bikman i go insait long wok bisnis na kamapim trabel. Mi ting gavman i mas rausim bisnis bilong ol. Na dispela bisnis tu em

Winim K50

Wantok Namba Resis No. 4

Makim 6-pela Namba

15	38	13	6	10
40	3	7	20	16
5	33	18	24	11
21	37	23	31	17
26	4	2	34	28
9	35	27	22	14

Putim X antap long ol 6-pela namba yu laik makim.

Nem _____

P.O. Box _____

Taun _____

Kolim nem bilong tupela wara long Westen Provins.

Insait long pasel mipela makim pinis 6-pela namba. Traim painim sapos yu makim stret dispela 6-pela namba bai yu winim K50. Sapos no gat man i makim stret orait man i kam klostu tru bai winim K10.

Taitim bun, sekim kru, kliaim ai na makim namba.

Salim i kam long Wantok Namba Resis Box 1982 Boroko.

Ansa bilong namba resis 3 em Bogia, Saidor 11. 5. 29. 10. 6. 23.

Nogat man kisim stret dispela namba. Tasol ansa bilong Ray em.

11. 5. 29. 1. 15. 16.

You'll daydream for Morobeen Lemon Cream

Morobeen Biscuits brings you THE FIRST CREAM BISCUIT, made in PNG and that means FRESHNESS - fresh creamy lemon filling, fresh crunchy biscuits, even fresh eggs. And once you've tried your first Morobeen Lemon Cream Biscuit you'll never stop day dreaming about about them.



Morobeen Lemon Cream Biscuits are great for work, for play or when you're with friends. Whenever you feel like a biscuit, feel like a Morobeen Lemon Cream the freshest cream biscuit in PNG. Buy a packet of Morobeen Lemon Cream Biscuit now . . . Happy Day Dreaming. Available in 250gm & 60gm packs.

NEW



Man Bilong Ritim Mita

LONG ples bilong yumi, no gat manmeri i save baim wara bilong kuk na dring. Wara i save kamap long hul bilong ston o ran i kam daun long maunten. Na sampela manmeri i save mekim hul long graun na wara i kamap.

wokman husat i save raun long ol haus long siti na ritim ol mita bilong wara.

Peter Lape i mekim dispela wok wantaim Iterim Komisn kaunsil long Jun 8, 1981. Em i bilong Vailala Viles, Ihu Distrik, long Galp Provins.


Peter i save go long haus long siti na raitim namba long ol mita bilong wara long buk bilong em. Dispela buk Peter i save karim i gat namba bilong haus bilong ol manmeri i save yusim wara.

Em i save gut tru long wok bilong em na em i no inap long paulim namba long mita bilong wara. Em i save wanem mita bilong wara i bilong wanem haus.

Peter i tok, "Mi save mekim tupela kain wok. Mi save go long wan wan haus na kisim namba long ol wara mita. Na mi save mekim wok kuskus tu. Wok kuskus em long lukluk long ol manmeri husat i kam long givim mani bilong wara, na tu ol manmeri husat i gat wari wantaim Interim Komisn.

"Planti manmeri i save kam kros long mipela taim ol i ting olsem mipela i sasim ol planti mani tumas. Sampela taim tok bilong ol i tru olsem mipela i sasim ol moa mani na wara ol i yusim i no bikpela.

"Tasol planti taim ol i save paul liklik. Ol i



Peter Lape i mekim wok bilong em long ritim mita bilong wara tasol kamerameri bilong Wantok i lukim em na kisim dispela piksa bilong em. Peter i save wok long Mosbi Siti Interim Komisn.

ting mipela i giamanim ol na kisim bikpela mani long ol. Bihain ol i kam long opis, mipela save mekim klia long ol olsem wanem, na bilong wanem tru, mipela i askim ol long bikpela mani olsem."

Peter i save wok long Mande i go inap long Fraide. Wok i stat long

7.45 na pinis long 4.06 long apinun. Sampela taim em i save wok ovataim tu. Sapos em i wok ovatim, em save kisim ovataim pe tu.

Em i tok, "Mi save slip long Jun Veli na long olgeta moning olsem 7 klok mi save kisim bas PMV bas na go long wok. Ples

bilong wok em i stap long Waigani Draiv na ol bas i save ran olsem 15 minit tasol long kamap long hap. Wan wan taim mi save wokabaut i kam long wok. Long wanem i no gat transpot long kisim mipela i go na kam bek long wok."

i go moa long pes 12

Laip Long P.N.G

Long ol taun na siti, ol manmeri i save baim wara long taun kaunsil o siti kaunsil na yusim. Dispela wara i save kam long ol bikpela maunten o riva na lektrik pawa i save helpim masin long pulim wara i kam long haus bilong ol manmeri long taun o siti.

Long pinis bilong olgeta mun, bai ol wokman bilong ol siti o taun kaunsil i save kam raun long ol haus bilong ol manmeri na ritim mita bilong wara. Na bihain long dispela, siti o taun kaunsil bai askim mani long ol manmeri. Sapos yu yusim bikpela wara bai yu putim bikpela mani.

Peter Lape, i save wok long siti kaunsil long Mosbi. Na em i wanpela bilong ol

Ripot Bilong Dispela Wik

TRINDE NOVEMBA 17 - Tripela wik tasol i stap nau bilong Osenia Soka Tonamen kikap. Osenia soka gems bai kamap long Mosbi long Sir Hubert Murray Stadium. Namba wan de bilong kikap em long Fraide Desemba 5. Tasol ol opisa bilong soka asosiesen long Australia i tok olsem ol i no kisim gut tok save long PNGSA long tim bilong Australia bai pilai wantaim wanem ol kantri long wanem ol de.



FONDE NOVEMBA 18 - Mista Henry Tokam i bin tok asde olsem em i ting, long tripela las mun bilong 1982 bai namba bilong ol rong na stil pasin insait long kantri i go antap moa long ol narapela mun bilong dispela yia. Wankain pasin i bin kamap long las tripela mun bilong yia 1981.

* Sief Ombudsmen Mista Ignatius Kilage, i bin bekim bek tok bel hevi bilong ol memba bilong palamen long ol tingting na bilip em debuk bilong Ombudsman i kamapim. Kilage i toktok long Goroka olsem em i bihainim aslo bilong kantri na mekim wok bilong em. Em i tok ol memba bilong palamen i no ken putim ol yet antap long konstitusen."

FRAIDE NOVEMBA 19 - Praim Minista Mista Michael Somare bai bung wantaim ol plis hetman long toktok long wanem gutpela we bilong stapim ol pait namel long ol lain wanpisin long Hailans. Mista Michael Somare i tok olsem ol plis bilong Mosbi bai go long Hailans na lukluk long dispela wari. Mani bilong helpim wok bilong plis bai kam long gavman, Mista Somare i tokim palamen.

* Mista Hudson Arek, Siaman bilong PPP i tok pinis olsem em i bin toktok wantaim Anthony Loh long odaim ol samting bilong PPP kempen. Ol samting ya i bin kam long Singapo long nem bilong Anthony Loh. Arek i tok ol i odaim ol skin pas na ol sampela arapela samting bilong wok kempen long Kampsax kampani.

MANDE NOVEMBA 22 - Lae i gat nupela post opis. Ekting Minista bilong Pablik Yutiliti Mista Boyamo Sali i opim dispela opis long tude yet. Olsem 500 manmeri i bin kamap long lukim opening bilong dispela nupela opis. Olgeta post opis bokis bilong ol manmeri long Lae siti bai no ken senis. Dispela post opis i kos olsem K1.5 milion, na Barclay Brothers kampani i wok long en inap 17 mun olgeta.

TUNDE NOVEMBA 23 - Faivpela memba bilong palamen bilong Morobe i tenkim God long sevim ol long dai bilong ol long taim balus ol i bin go long Finshafen long en, PNGBC balus, i painim birua long wil bilong en. Taia bilong balus i bin bruk long Finsafen ples balus na win i go ausait long taim balus i bin pundaun na karanas i sutim taia bilong en. Faivpela memba ya em, Timothy Bonga, Tom Awasa, Giri Yaru, Ningiau Masigil, na Henu Helsingut.

* Difens Fos i bin mekim wanplea asasait long tupela taun bilong Morobe, em Wau na Bulolo. Dispela asasait i stat long Sande Novemba 14. I gat 47 soldia bilong Igam Berek long Lae na 17 soldia bilong Mosbi. Dispela asasait i mekim ol redi long pait wantaim ol husat grup i laik egensim gavman.

SAPOS YU TINGTING LONG AUTOBOD MOTO...

Johnson I NAMBA WAN TRU!

Sapos yu tingting long baim wanpela autobod moto yu go long Steamships Machinery na askim long ol kain kain Johnson autobod i stap.

Ol i gat bikpela moto long wokim strongpela wok olsem pulim bikpela bot, na liklik moto long raun raun o kanu tasol.

Ol lain Steamships Machinery inap tokim yu long wanem kain moto i gupela long mekim wok bilong yu.

Steamships - MACHINERY

PORT MORESBY . LAE . KIETA . MADANG . RABAU
POPONDETTA . SAMARAI . VANIMO

Klostu olsem 200 manmeri i wok long Interim Komisin na sampela bilong ol dispela manmeri i save mekim ol wok bilong klinim ples insait long Mosbi Siti. I gat 6-pela man tasol husat i save go raun long mekim wok bilong ritim ol mita bilong wara na Peter em i wanpela bilong ol dispela 6-pela man.

Peter i tok olsem, "Mipela save mekim wok long grup. Mipela olgeta 6-pela man i save go long wanpela

hap bilong siti na ritim mita bilong wara long dispela hap inap olgeta haus i pinis. Bihain mipela save go long ol arapela hap. Mipela save mekim olsem inap mipela ritim mita long olgeta haus long siti.

"Mipela save mekim dispela wok olgeta de bikos i gat planti haus long siti na mipela i no inap long go long olgeta haus long wanpela wik tasol. Long wanpela mun mipela i mas go long olgeta haus. Na bihain mipela stat gen long taim olgeta haus i pinis. Long wanpela de sapos mipela i hariap na

pinisim wok long wanpela hap bilong siti mipela save malolo inap narapela de.


"Mipela save bihainim tasol namba bilong ol haus i stap long lista bilong mipela. Olgeta samting i stap tu long dispela lista. Em i mekim wok bilong mipela isi liklik."

Peter Lape i pinisim skul bilong em long gret 6 tasol. Em i go long Gerehu Komyumiti skul, na pinis long yia 1978. Em i mekim korespondens skul bilong em long Tokarara Kristen Senta long 1979 na pinis long 1980. Na em i stat wok long 1981.

Bipo Mi Spakman

DIA LIAPLAIN

MI wanpela spakman bipo husat i gat sik bilong dring. Sapos mi no dring bia, bai mi gat sik. Tasol nau, mi gat bikipela amamas tru. Long wanem mi lusim dispela sik bilong dring pinis.



LAIP



LAIN

Mi raitim dispela pas i kam long LAIPLAIN long tok klia i go long sampela manmeri husat i gat kain sik bilong dring tumas.

Insait long planti yia i go pinis, mi save dring bia tumas. Na mi save painim hevi tru. Mi save pait wantaim meri bilong mi na kros nating long ol pikinini bilong mi.

Mi bin pinis long wok inap long tripela taim. Tasol dispela kampani mi wok long en i save kisim mi i go bek gen na wok. Long wanem mi save mekim gutpela wok, taim mi no dring.

Tasol nau, mi tingting bek long dispela wok bilong mi na mi ken tokaut olsem olgeta wok bilong mi i nogut tru. Taim kampani i rausim mi long namba 4 taim, ol i tok, "Yu no ken kam bek. Mipela i no laikim yu wantaim dispela spak pasin bilong yu."

Man, mi ken tokim yupela olsem mi bin sori long mi yet. Mi pilim olsem mi no gat wantok. Na olgeta man i no laikim mi. Mi no gat

wok nau na mi save stap nating. Mi save askim ol wantok na pren bilong mi long givim mi sampela mani long baim bia wantaim kaikai bilong famili.

Wanpela pren bilong mi i bungim mi long wanpela de na askim mi, "Yu laik mekim sampela samting long stapim dring pasin bilong yu?" Long dispela taim mi belhat nogut pinis na bekim olsem, "Bai mi mekim wanem?" Em i kisim mi go na mi bungim wanpela pren bilong em, Tom. Bipo Tom em i wanpela spakman tu tasol nau no gat.

Tom i wanpela gutpela pren tru. Em i helpim mi tru. Em i kisim mi go long ol sampela spakman em

mi no save long nem bilong ol na mi bin bungim ol arapela man husat i bin spakman bipo tasol nau ol i kamap gutpela man.

Mi kirap nogut long luk save olsem bia na ol strongpela dring olsem em i wanpela sik tu. Taim mi save olsem dring em i wanpela kain sik, tingting bilong mi i klia moa long pasin bilong mi yet. Mi kirap nogut long save tu olsem ol man olsem ol dokta, pater, ol skul tisa na ol meri tu i save painim hevi long dring.

Sapos yu gat waru o askim salim i kam long Laiplain Box 6047, Boroko.



PREN BILONG YU INAP OLTAIM

HAVE YOU SEEN THE NEW STYLE MORESBY MESSAGE? ITS STILL FREE!

We now carry news from around the social clubs, local sports results, food prices, retail comparisons, Moresby crime report, fashion focus, used car & service focus, entertainment guide.

You wont know whats really going on in Moresby unless you read the message every Tuesday.



Namba Wan Bisnismeri



Praim Minista Michael Somare i lukluk long prais Maria Kunjip bilong Hagen, Westen Hailans i winim long "Times Bisnis Award" long seksen bilong ol meri. Maria i wanpela bisnismeri husat i gat wanpela tret stua, petrol sevis stesin na trak bisnis long Hagen.

Man I Laikim Pikinini Meri Tasol

BIPO bipo tru long Genai Viles long Simbu i gat wanpela man husati save laikim pikinini meri tasol. Nem bilong em Agua na em i gat tupela meri, nem bilong tupela Agmba na Daka.

Agua save laikim tru ol pikinini meri bilong em na em i no save laikim ol pikinini man bilong em. Taim meri bilong em i gat bel, em i save amamas long lukim ol karim pikinini meri. Taim em i lukim ol karim pikinini meri, em i save amamas nogut tru. Long wanem em i laik kisim bikpela pe long ol.

Taim ol i karim pikinini man em i save les na kilim ol. Long wanem em i no laik baim meri bilong ol na givim graun bilong em long ol. Agua i save kilim ol boi na tromoi ol i go daun long wanpela hul bilong ston ol i kolim Mullkun Kambugo.

Na em i salim namba wan na namba tu pikinini bilong em i go marit long Giraiuku long hap bilong Koronigle.

Wanpela taim Agmba na Daka i gat bel na Agua i wet long lukim wanem pikinini ol bai i karim. Na em i mekim save long singautim tumbuna bilong em long bipo i mas givim em tupela pikinini meri.

Taim i kam klostu na

Agua i wok long tingting planti i stap na i tok, "Bai tupela meri bilong mi i karim wanpela meri, tupela meri o no gat?"

Agua i wet i go i go na i les tru, em i laikim tupela i mas karim tupela pikinini meri kwik. Tasol tupela meri i no karim pikinini kwik.



Wanpela apinun Agua i askim tupela meri na tok, "Wanem taim bai yutupela i karim pikinini? Mi wet i go i go na mi les pinis." Tupela meri i tok, "Tumora o hap tumora bai mitupela karim. Yu stap isi na lukim. Yu laik mekim wanem long ol pikinini na yu wok long toktok planti?"

Dispela nait yet, tupela meri wantaim i karim pikinini. Agmba i karim wanpela smatpela boi na Daka i karim wanpela pikinini meri. Pikinini boi ya i smatpela tru na em i bin gat tit pinis.

Mama bilong boi i lukim olsem em i smat tru. Na em i kisim boi i go long wanpela hap ol i kolim Miane long nait tasol. Na em i haitim

liklik boi i go inap em i kamap wanpela strongpela na smatpela manki.

Tupela brata na susa wantaim i kamap bikpela. Nem bilong boi Mua na meri em Munome. Nau tupela wantaim i winim 6-pela krismas. Na ol papamama i amamas tru. Tasol Agua i no save long ples we Mua i stap long en.

Olgeta taim em i save askim Agmba long wanem hap em i bin haitim boi long en. Tasol Agmba i save tokim Agua olsem, "Dispela boi i stap long wanpela hap, mi i no inap long tokim wanem hap ples. Bai yu lukim em wanpela de taim em i kam."

Na boi ya i kamap strong smat na bikpela tru. Taim yu lukim em bai yu pret long em gen. Agmba i wok long haitim Mua i go na em i kamap samtpela strongpela boi. Mama i wok long givim gutpela kaikai long em olsem na em i luksmat na strong. Em i no save lukim papa bilong em na ol arapela manmeri i go inap long taim em i kamap bikpela.

Wanpela taim Agua i askim Agmba long kisim Mua i kam. Tasol em i les long go kisim Mua. Bel bilong Agua i hat tru na Agmba i tokim em, "Yu wet liklik taim tasol bai mi kisim em i kam."

Long wanpela de i gat bikpela pati long Genai

na Agua i tokim meri bilong em long kisim Mua i kam. Dispela de mama i bilasim em gut tru na i kisim em i kam. Agua i lukim Mua na pret long em. Tasol em i amamas tru wantaim bikos em i no bin lukim Mua inap 6-pela krismas.

Agua i tok, "Pikinini bilong mi! Pikinini bilong mi! Kam na holim pasim mi." Na Mua i tok, Sarap yu! Mi no pikinini bilong yu. Mi pikinini bilong dewel long bus. Ol dewel long bus i lukautim mi na givim mi kaikai. Mi kamap bikpela long han bilong ol tasol. Na yu bin tingting long kilim mi. Tasol laki tru na yu no kilim mi. Na nau mi kamap bikpela pinis."

Agua i sem nogut tru na em i no gat toktok. Em i putim het bilong em i go daun na tingting long wanpela we long kilim Mua. Kwiktaim tru em i tokim tupela meri bilong em long hairap na pulim-apim samting bilong ol long bilum.

Bai ol i go long wanpela bikpela singsing i kamap long hap bilong Koronigel, we tupela pikinini meri i marit long en. Tupela meri i hariap tru na i redim ol samting. Agua i kisim tamiok bilong em na katim tupela mambu na em i wokim hul long tupela wantaim. I gutpela long em, em i givim pikinini meri na narapela long en i nogut



na i gat bikpela hul long en em i givim long pikinini boi.

Na em i tokim tupela long go long Wara Bokun Dugo na pulmapim wara. Na em i tokim tupela, "kSapos wara bilong husat i oulap pastaim, em i mas karim wara na kam kwik." Na Agua yet isave olsem pikinini meri bai i kam bek kwik. Long wanem mambu bilong em i no gat hul long ai bilong en.

Tupela brata na susa ya i pilai pilai na givim siksti wantaim mambu i go long wara. Tupela wantaim i putim mambu i go insait

long wara. Mambu bilong Munome i pulap kwik long wanem i no gat hul. Tasol mambu bilong Mua i no pulap hariap bikos i gat hul long en.

Tarangu ya i no save olsem mambu i gat hul, em wok long pulapim go i go yet na wara ya i wok long go ausait. Munome i tokim Mua, "Mambu bilong mi i pulap kwik olsem na mi go pas long haus. Yu wet na kam bihain taim mambu bilong yu i pulap."

Munome i amamas na ran tasol i go long haus wantaim mambu bilong em. Ol i askim em, "Brata

bilong yu, Mua we?" Na em bekim na tok, "Mambu bilong em i no pulap yet olsem na em i stap yet."

Agua i kirap na tok, "Maski, larim em i kam bihain na painim yumi long rot. Orait. Kisim bilum na ol samting na yumi go. Ples i stap longwe tru na yumi mas hariap na go kamap long Koronigel." Em i hariapim tupela meri wantaim Munome na ol i go winim wanpela maunten pinis.

i go moa long

Neks Wik


pasel pes pasel p

Insait long dispela pasel i gat 15 toktok i hait i stap. Yu inap painim o nogat? Naipamiokman - Otawa - Mosko - Meksiko - Kenbera - Spen - Promota - Reperi - Kosa - Goli - Straika - Aibika - Fikus - Diwai - Garamut

O	S	T	U	M	A	R	A	G	P	O	K	J	D	E
I	T	B	G	O	R	E	T	E	S	U	K	I	F	H
J	A	A	A	A	H	D	M	M	U	S	K	S	U	L
O	P	W	W	N	R	L	A	S	K	O	L	A	O	L
H	L	O	I	A	K	E	N	B	E	R	A	R	U	M
N	M	F	P	D	I	F	G	I	A	R	T	S	G	F
O	K	I	S	K	E	M	O	M	O	S	O	N	A	M
T	H	K	J	D	S	T	U	W	Y	V	M	O	E	G
A	P	U	K	S	H	S	V	D	A	W	O	G	B	O
W	A	L	I	W	K	R	A	K	I	A	R	T	S	L
G	U	S	B	B	N	O	P	K	G	R	P	G	U	I
S	A	R	K	L	M	E	D	I	N	N	E	N	S	J
O	S	S	S	I	K	A	I	B	I	K	A	P	P	T
B	D	K	O	W	J	H	G	I	A	B	D	F	E	A
D	N	A	M	K	O	I	M	A	T	P	I	A	N	R

YU INAP PAINIM TOK I HAIT?


TISAP



RIMLA



TEKSA




Traim painim tok i stap hait long dispela bokis long arere. Ol taim, tim i save kamap namba wan long gren painal bilong olkain spot. Ol i save givim ol wanem kain nem.




Ansa bilong las wik: Sauten, Komisina, Sekyuriti - KONSTITUSEN.

TRAIM SAVE BILONG YU LONG PAINIM ROT. SAVE I STAP LONG YU. TASOL GLASIM GUT PASTAIM, NOGUT YU PAUL LONG ROT.



AUT


**ANSA
BILONG
LAS WIK**



NISSAN — DATSUN

"THE CUTE UTE!"

Pik-up
Long Stail!



I Gat 5-pela Kain Ka

- ★ 12-pela mun - 20,000 Km bai mipela i stretim ol bagarap
- ★ Bikipela spes bilong karim kago
- ★ Fri belo bilong tok save sapos stilman i brukim ka.
- ★ Nambawan Spea Pat na Sevis long PNG.

BM
BOROKO
MOTORS

Tes Draiv Wanpela Tude!



Boroko Motors Ltd. Port Moresby 25 5255
Boroko Motors Ltd. Lae 42 1144
Boroko Motors Ltd. Rabaul 92 2777
Boroko Motors Ltd. Madang 82 2433

Boroko Motors Ltd. Mt Hagen 52 1433
Arawa Motors Pty Ltd. Arawa 95 1566
Higaturu Motors Pty Ltd. Popondetta 29 7175
Farmset Ltd. Goroka 72 1375

Provincial Agencies Pty Ltd. Kavieng 94 2131
Sepik Gen Engineers. Wewak 86 2029
Tora Motors Pty Ltd. Wapenamanda 57 4059
Milne Bay Enterprises. Alotau 61 1242



MOSKO, RASIA - Poto i soim tripela bikman bipo long Rasia. L-R Presiden Nikolai Podgorny, Primia Aleksei Kosygin na General Seketeri, Leonid Brezhnev. Ol i bin kisim dispela poto long Me 24 1977. Brezhnev i dai long Novemba 10, 1982.



WES JEMANI - Tupela sevis meri bilong Jemeni, husat i save resis long ran long wilwil na mekim stail i redi gut tru long go long gems bilong wol sempionsip. Tupela meri ya em long Anja na Ina Maas. Tupela i stap insait long tim bilong Federal Ripablik ov Jemeni.



TRES KALLES, EL SALVADO, 8 NOVEMBA - 30 paitman bilong wanpela grup husat i save pait egensim gavman i praktis i stap long bus klostu long kem bilong ol. Sampela bilong ol dispela gan ol i holim em ol G3 otomatik raifel ol i bin baim long intenesenel blak maket. Dispela ol paitman i bilong Tres Kalles grup bilong El Salvado.



WORSO, POLAN, 10 NOVEMBA - Ol plis bilong Polan i sutim smok bom bilong mekim ai wara, long Sierczewski strit arere tasol long bikpela kothaus long Worslo. Sampela man long strit i bin laik kamapim trabel.



MOSKO, RASIA 7 NOVEMBA - Ol Ami ka bilong Rasia i karim ol bikman bilong ami i raun long Ret Skwea, long Sande 17 Novemba taim ol Rasia i selebretim namba 65 via taim wanpela grup politik bilong Rasia ol i kolim Bolshevik o winim gavman.



POLAN - 10 NOVEMBA - Jeneral Wojciech Jaruzelski lida bilong Polan i bin go long faktori Roza Luxemburg long aptun bilong Novemba 10, 1982 long lukluk long ol samting i save wok long lektroNIK.



INVESTMENT CORPORATION FUND
 sapos yu laikim fri buk, rait tasol i go long:
 P. O. BOX 155, Port Moresby.



Dokta Egensim Boksen



John Aba na Gary Williams i boksen long 17 Septemba long winim Komonwelt Junia Laitwet Sempionsip. Aba i win long wanpela poin tasol bihain long 15 raun. Tasol tupela de bihain, long 19 Septemba, Aba i kisim sik long het bilong em. Em i risain long boksen long Oktoba 19, 1982.

Insait:
EPC Soka Kanival
 - pes 4
Elkom I Namba 3
 - pes 2
Demons I Lus Yet
 - pes 2

SOFTBAL DRO

OL MAN

27 Novemba, 1982

TAIM	TIM	REPERI
A GRET — GRAUN 1		
9.00	Togelu V Yomba	G.Madao
10.30	Agogol V B.Igels	P.Mesak
12.00	Kabiu V Malangan	D.Martin
1.30	Elkom V Gasel	A.Hara
3.00	YMCA V Demons	M.Nialir
4.30	M.Karps V Chebu	J.Pupua
A RESEV — GRAUN 3 us		
9.00	Aviat V NAES	J.Bae
10.30	Hansabe V Sankaro	N.Tata
12.00	Elkom V Yomba	J.Kaptigau
1.30	N.G.I. V Yokomo	B.Lahui
3.00	Gasel V B.Igels	C.Bais
4.30	Fuji V Malangan	N.Uduru
B GRET — GRAUN 2		
9.00	Malangan V Dela	P.Tonga
10.30	Karanas V Gasel	T.Apana
12.00	Demons V M.Karps	A.Girana
1.30	Sankaro V Chebu	J.Tetaga
3.00	N.G.I. V Agogol	H.Kila
4.30	Yokomo V Kabiu	I.Palanga
C GRET — GRAUN 4		
9.00	Kabiu V Karanas	A.Maradi
10.30	Kabiu V Chebu	O.Taule
12.00	Hansabe V Kapentas	S.Austrai
1.30	YMCA V Kerevat	J.Basse
3.00	Yokomo V Fuji	S.Voivoi
4.30	Demons V Adkol	G.Komet
GRAUN 5		
9.00	A.United V Kerevat	M.Tigilai

OL MERI

27 Novemba, 1982

TAIM	TIM	REPERI
A GRET — GRAUN 1		
9.00	Kapits 2 V Datsun (JN)	V Ogera
10.30	Yokomo V M.Karps	J.Pidik
12.00	Bese V N.Datsun	E.Kalas
1.30	United V Kapit	M.Moang
3.00	Exels V Sankaro	R.Kekedo
4.30	Gasel V Demons	J.Bampton
A RESEV — GRAUN 2		
9.00	Medics V N.Datsun	E.Seneve
10.30	Toglu V Wantoks	E.George
1.30	Yomba V Hansabe	A.Harangu
3.00	Kapentas V Adkol	R.Gabe
4.30	Sankaro V Malangan	C.Hopkins
Manolos BYE		
B GRET — GRAUN 3		
9.00	Kapit 1 V Sankaro (JN)	R.Apana
10.30	Demons V Edukesen	K.Baros
12.00	Douglas V Chebu	G.Mamala
1.30	Togelu V A.Utd	T.Apana
3.00	Gasel V M.Karps	P.Tirman
4.30	United V Kapits	M.Bakou
Tarangu BYE		
C GRET — GRAUN 4		
9.00	Police V Halagu	P.Mesak
10.30	Malangan V Insurens	D.Tamia
12.00	Adkol V Yomba	J.Matage
1.30	Yokomo V Westpac	J.Lohia
3.00	Chebu V P&T	M.Ludwig
4.30	Hansabe V Bese	B.Paul
GRAUN 5		
9.00	Kabiu V Yomba	M.Tigila

DUK Koo Kim, bilong Saut Korea em i namba 4 boksa husat i dai bihain long wanpela bikpela pait long dispela yia.

Duk Koo Kim i bin dai 4-pela de bihain long em i pait wantaim laitwet sempion bilong Wol Boksen Asosiesen, Ray "Boom Boom" Mancini.

Dispela pait i bin kamap long Las Vegas, Amerika, long Novemba 17 1982. Tupela i pait long winim wanpela boksen taitel na Mancini i nokim aut Duk Koo Kim long namba 14 raun.

Tasol sapos yumi laik kaunim ol narapela boksa husat i bin dai tu long ol narapela kain birua stat long 1970 i kam nau, i gat 50 boksa olgeta.

Orait yumi lukluk go bek long yia 1945 i kam inap 1981, i gat 339

boksa husat i save mekim ol bikpela pait i bin dai pinis bihain long ol i kisim bagarap long pait. Dispela namba bilong ol boksa husat i dai pinis i kam long wanpela buk em i save raitim ripot bilong ol bagarap i kamap long boksen ring.

Novemba 4, 1980 - Johnny Owen bilong Englan i dai 44 de bihain long Lupe Pintor bilong Mesiko i nokim em aut long namba 12 raun. Ol i mekim 15 raun long dispela pait. Tupela i pait long winim taitel bilong bantamwet. Ples bilong pait em long Los Enjeles, Amerika.

Mas 23 1963-Dave Moore i dai tupela de bihain long Sugar Ramos i pait em i go daun long plua bilong ring long Nu Yok long namba 14 raun bilong pait. Tupela i traim

long winim Fedaweit taitel.

April 3, 1962-Benny "Kid" Paret i dai 10-pela de bihain long taim em i pait wantaim Emile Griffith long Nu Yok. Tupela i pait long winim taitel bilong weltawet. Emile Griffith i nokim aut Benny long namba 12 raun.

Ol Boksa Dai Long 1982

Novemba 17 - Duk Koo Kim i dai.

Oktoba 16, Charles Love, wanpela ami weltawet boksa long Fot Noks, Kentaki Amerika. Em i dai 7-pela de bihain long em i pait wantaim Darryl Stitch, 23 Amata, long wanpela Kentaki Amata Sempionsip long losvil, Amerika. Charles i dai iong ol bagarap em i kisim long bodi bilong em.

Me 11, Andy Balaba Flaiwet bilong Filipins. Em i dai bihain long em i kisim bagarap long bodi bilong em long pait namel long em yet na Shin Hee Sup long Seoul, Saut Korea. Ol i no pait long wanpela taitel.

Februari 23, Benjamin Davis, bilong Pindel, Nu Meksiko, Amerika. Em i dai 5-pela de bihain long narapela boksa i nokim em aut long pait bilong ol long winim golden glap.

Wol Boksen Kaunsil i vot pinis long makim wanpela kain komiti bilong lukluk insait long ol bagarap i save kamap long ol boksa. Dispela komiti ol i kolim medikel faundesin. Na long 1983 dispela komiti bai stat lukluk long ol bagarap long Los Enjeles, Amerika.

Wol Bosen Kaunsil

(WBC) i toktok tu long mekim malolo taim namel long ol boksen taim i go longpela liklik. Nau ol boksa i save malolo wan minit na pait gen. Ol i tingting long mekim malolo taim longpela olsem wan na hap minit.


Ol dokta long Englan i toktok strong tru long indai bilong ol planti boksa husat i dai bihain long ol pait. Planti bilong ol boksa nau, ai bilong ol i pas nabaut o ol i kisim long bodi bilong ol. Ol dokta i laik stapim boksen.

Ol memba bilong Britis Medikel Asosiesen i daunim ol toktok bilong boksen, taim ol i mekim tok olsem boksen em i no wanpela kain pilai. Em i wanpela rot we ol gavman bilong kantri i larim ol man long bagarapim narapela man.



Hei, Reperi! Tarangu meri i slip long graun i sefo aut? Reperi i tromoi han na i tok em i sef. Ol i traim bun i go i go na Bese i wilwilim Kapit 6-4.

Elkom I Namba 3



Yes ya!! Kaikai tit strong na swingim dispela hap diwai i go brukim bal! Yumi no save. Em i wanpela B. Igels pilaia o wanpela 'A' gret pilaia bilong YMCA. Tasol dispela man ya i soim olsem sofbal tim bilong em i mas winim ol arapela tim long Mosbi.

TUPELA mun i go pinis, sofbal sisen i stat. Long dispela taim, planti pilaia i bin lusim pilai long-taim tru na ol i no smat tumas long pilai. Sampela bilong ol pilaia long A gret tim bilong ol man i no luk fit long pilai long dispela divisen.

Orait, em bipo ya.

Nau, sapos yu go na lukluk long ol dispela pilaia i pilai gen, bai ai bilong yu i op na maus bilong yu pas. Klostu olgeta pilaia i paitim bal na ketsim bal na ran olsem ol intenesenel sofbal pilaia.

Long las wiken, Sande 21 Novemba, Mazda Kaps i pilai egens Elkom long A gret tim bilong ol man. Na olgeta ples bilong sindaun na lukluk long

pilai long Bisini i pulap.

Taim ol Mazda na Elkom i statim gem long 3 klok apinun tupela tim wantaim i stat long pilai hat. Namba tu ining i pinis na namba tri ining i stat nau. Ol Mazda i go pas long poin, 2-0.

Long dispela ining ol Elkom i bat. Wanpela pilaia bilong ol i ran i go long fes bes na taim em i ran i go long

namba tu bes ol Mazda i autim em. Tasol kosa bilong Elkom Jon Koniel i ting olsem pilaia bilong em i no aut. Em i ting olsem pilaia bilong em i kamap long bes pinis na namba tu besman bilong Mazda i kisim bal.

Jon Koniel i bin go na toktok wantaim ol ampaya bilong gem. Tripela ampaya i kam long Gasel tim. Jack Pidik em i sentral ampaya na tupela arapela ampaya i sanap long fes na las bes.

Jon i tok, "Sapos yumi i laik kirapim stended bilong sofbal long PNG, olampaya i mas was gut na mekim gutpela wok long taim bilong pilai. Sofbal gem bai i no inap long kamap gut sapos ol ampaya i stupit. Sapos wanpela ampaya i sanap long fes na las bes em i no inap tru long lukluk gut long ol pilaia long namba tu bes.

Na dispela pasin i kamap long gem bilong mipela. Mi no tingting tumas long dispela pasin ol i mekim long tim bilong mi. Tasol mi sori tru long lukim kain pasin olsem i kamap

olaim. Dispela pasin em i namba tri taim long ol ampaya i mekim long tim bilong mi. Na mi bilip tu olsem wankain pasin save kamap long arapela tim."

Las yia tim bilong Elkom i winim Mosbi Sofbal Asosiesen primiasip. Ol i pilai egensim Chebu long gren painal. Ol tu i bin maina primia long dispela yia yet. Nau planti bilong ol olupela pilaia bilong Elkom i stap yet long tim bilong Koniel. Tasol i gat tripela nupela pilaia husat i kam insait na joinim ol.

Jon i tok olsem, ol i save praktis hat nau long wanem ol i laik stap long antap bilong lata. Nau ol i stap namba tri long lata. Malangan A gret i stap namba tu. Na Gasel A gret tim i stap long fes ples. Gasel na Elkom tim i no bung yet.

Gasel i stap antap wantaim 14 poin. Malangan i bihainim ol long 12 poin na Elkom i stap namba tri wantiam 8 poin. Jon Koniel i tok olsem, Elkom i wet yet long pilai wantaim tupela tim ya.

"Mipela bai bung sampela taim na lukim husat i strong. Elkom tim i save pilaim olgeta tim long strong bilong ol. Maski tim i stap daunbilo long lata o maski sapos em i stap antap long lata."

Jon i tok olsem, ol save pilai strong long olgeta gem. Tasol Elkom i bin lus long tripela gem long dispela sisen. Malangan i lus long wanpela gem namel long ol yet na Gasel. Na Gasel i no bin lus long wanpela gem bilong ol yet.

Long gem bilong Elkom na Mazda, Elkom i soim strong bilong em long ol manmeri husat i kam lukluk. Ol i stat slek liklik, tasol long pinis bilong gem ol i win.

Long namba 4, 5 na 6 ining, Elkom, i mekim 3, 6 na tupela poin. Ol i winim gem long pinis bilong pilai. Skoa em 11-2. Mazda i kisim tupela poin bilong ol long fes ining yet. Na long ol arapela ining ol i no bin gat wanpela poin.

Bihain long gem bilong Mazda Kap na Elkom, long 4 klok, Demons i pilai wan-

taim Malangan. Tru tumas Malangan i strong moa long Demons na ol i autim ol. Skoa bilong dispela gem em 3-0.

Pilai bilong ol i pinis tasol long 7 ining. Akira Hara i ampaya long dispela gem na tupela bes ampaya tu i bilong Fuji tim tasol.

Joe Avuchulas wanpela pilaia bilong Malangan husat i save pilai lep autfil i amamas taim pilai i pinis. Em i tok olsem, "Mipela save pret long dispela tim long wanem planti sofbal pilaia i tokim mipela olsem pitsa bilong ol i save pits strong tru. Na mi pret liklik olsem bai mipela i no inap winim ol.

"Tasol mi no save bilong wanem mi pret long lus, ol manki ya i save gut long sanap long fil. Long fil mipela no save wari tumas. Mipela save tingting tasol long ol bata bilong mipela."

Malangan i win gen nau na dispela i strongim tim bilong ol long stap long namba tu ples long Mosbi A gret sofbal lata.

Demons I Wok Long Lus Yet

MAZDA Karpis A gret i bin autim tru tiket bilong Demons long sofbal pilai bilong ol meri i bin kamap long Bisini Graun, Sarere Novemba 20. Mazda i winim tru Demons 25-4.

Welete Wararu

Planti manmeri i bin kamap long lukim dispela gem namel long tupela tim. Tasol i luk olsem long ol manmeri i bin kamap, planti bilong ol i sapota bilong Mazda.

Mazda yet i wanpela sempion tim tru bilong pilai sofbal wantaim ol arapela tim insait long Mosbi. Las yia ol i sempion bilong A gret. Long A gret ol i gat namba, long wanem ol i no lus yet long olgeta 7 gem ol i bin pilai long dispela sisen. Na i luk olsem bai ol i sempion gen long dispela yia.

Long pri sisen ol i bin dro wantaim N.Datsun. Olsem na long las pilai bilong ol long neks wiken, kosa bilong Mazda, Michael Kalas i tok, "Mi laik lukim tim bilong mi i mas winim dispela las

gem. Mi save amamas tru long lukim we ol i save batim bal na taim ol i sanap long fil na kisim bal.

Trening mi save givim ol long Tunde na Trinde bilong olgeta wik i no save lus nating. Tasol bikpela samting. Bilong wanem tru na pilai bilong ol i namba wan, em bikos ol i save pilai gut wantaim na amamas long stapim bal bilong arapela pilaia sapos em i abrusim bal. Na tu ol i save givim gutpela tok i go long husat pilaia i no pilai gut.

Mi save tokim olgeta

meri long A gret na B gret wantaim long no ken sanap nating na lukluk long ol arapela pilaia long taim ol i pilai. Maski long taim bilong bat na long fil, ol i mas sanap na givim gutpela tok save long bata i mas traime na ran hom. Na long fil, ol i mas redi tru na sanap helpim ol pilaia long stapim bal na givim hariap i go long husat inap autim birua."

Michael Kalas i tok, wanpela bikpela hevi long Mazda tim em taim ol meri i pilai ol i no save ran spit tumas. Ol i save flaim bal

olsem masin tasol ol i no save mekim hom ran. Ol i ran i go inap long bes tri tasol na birua i salim bal i kam pinis long pitsa.

Long las wiken gem Mazda i trai hat tru long ran strong tasol long fes tupela ining ol i no bin pilai gut. Na i larim Demons i skoim 4-pela poin. Tasol long namba 3 ining i go antap 7 ining, ol i bin pilaim wanpela smatpela na nambawan pilai stret na i bin nilim Demons long 4 homs tasol na ol yet i spit i go i go inap long 25 homs olgeta.

Long B gret tim Mazda i bin winim 4-pela gem pinis, dro long wanpela na i lus long tupela gem. Ol i pilai 7-pela gem pinis. Ol i no pilai gut tumas bikos planti bilong ol i nupela. Olsem na Michael Kalas i wok long trai hat tru long givim gutpela trening long ol. Arapela samting tu, em nau ol i no gat gutpela pitsa, olsem na Kalas i wok hat yet long skulim pitsa bilong ol B gret nau long kamap wanpela gutpela pitsa.

Kalas i tok, "Pitsa i mas kisim moa trening, bikos long sofbal, gem mi bilip, pitsa i namba wan meri ol tim i mas gat. Sapos em i gutpela pitsa bai tim i ken autim hariap birua, na tu bai i no inap long givim ol fri wokabaut na autim na tu bai i no inap long givim ol fri wokabaut olgeta taim long hom bes. Tasol sapos pitsa i no smat tumas, em bai arapela tim i ken kisim planti hom long fri wokabaut."

Namba tu kosa bilong Demons Tau Apana i tok, long dispela sisen, Demons A gret i winim wanpela gem tasol na ol i lus long olgeta. Em i tok, "As bilong dispela, ol meri i no save pilai gut em, planti taim ol i no

save kamap long trening. Na taim ol meri i kamap long trening namba wan kosa Veitu Rummery, i no save kam. Long dispela kain pasin mi ting trening mi save givim long ol meri i no inap.

"Long wanem tripela meri, tasol insait long A gret tim i save gut long we bilong pilai, em Veitu, Tapia na Theresa. Na ol arapela em ol nupela pilai bilong mipela husat i bin pilai long B gret. Olsem na long taim bilong pilai ol i save guria liklik na taim ol i bat, bal i no save go longwe tumas. Dispela kain hevi inap long pinis. Na bai mipela ken kamap wanpela strongpela tim, sapos ol meri i kam olgeta taim long trening na bung wantaim na pilai olgeta taim."

SOFBAL SKOA OL MERI

A gret - Graun 1

Kapits 17 - Datsun (JN) 0
N.Datsun 11 - Gasel 4
United 6 - Sankaro 13
Kapit 4 - Bese 6
M.Karpis - Demons 4
Yokomo 4 - Exels 4

A risev - Graun 2

Sankaro 15 - Hansabe 9
N.Datsun 1 - Yomba 8

B gret - Graun 3

Tarangau 18 - Kapit 20
United 13 - Edukesen 13

C gret - Graun 4

Wespect 4 - Malangan 12
P&T 0 - Adkol 16

PHANTOM COMIC

Pantom komik namba 747 - Ol stilmeri long liklik Flamingo Ailan i pasim han bilong Diana wantaim rop na kalabus em. Pantom i laik helpim Daiana tasol lida bilong ol stilmeri i hensapim em na pasim lek-han bilong em strong tru. Na bihain ol i kisim Pantom i go planim long matmat arere long nambis, tasol ol i no kilim em i dai pastaim. Na long nait Pantom i kirap bek long matmat. Oloman!!! Ol i pasim han na lek pinis ya? Na tu em inap sotwin aninit long graun na dai longtaim. Tasol Nogat. Ating em i wanpela dewelman tru o olsem wanem? Mobeta yu yet i baim Pantom komik namba 747 hariap na painim ansa bilong dipela kwesten.


NO 747

BE A BIG HITTER THIS SOFTBALL SEASON!



Bali Corporation have just scored a winner. They've got new stock of Worth Official League equipment direct from Tennessee, U.S.A., for the start of this season.

Aluminium bats and leather and rubber balls from the leaders in softball equipment in the world.

<p>Red Dot Balls</p> 		<p>RED DOT Features the liveliest core and top grade chrome tanned leather cover for fast or slow pitch tournament and league play K 7.95</p>	<p>RED DOT With waterproof synthetic cover K 5.50</p>	<p>BLUE DOT A restricted fligh ball for slow pitch play with a leather cover K 7.95</p>
<p>BLUE DOT With waterproof synthetic cover K 5.50</p>	<p>BOMBALL Cork core softball with lively core and top grade cowhide cover K 7.75</p>	<p>SOFTBALL Worth's lowest priced softball of official size and weight with hand sewn cover K 2.95</p>	<p>HI-GLO Colourful yellow molded softball K 2.75</p>	<p>HI-GLO Colourful red molded softball K 2.75</p>
<p>Tennessee Thumper – 2 1/4" diameter, 8" barrel, 34" length K27.00</p>	<p>Tennessee Thumper – 2 1/4" diameter, 10" barrel, 34" length K27.00</p>	<p>Tennessee Thumper – Aluminium softball weighted for maximum hitting power. 2 1/8" diameter, 12 inch barrel, 34" length. K27.00</p>	<p>Tennessee Thumper – This bat is designed for the big hitter 2 1/4" diameter, cupped end, 34" length K19.95</p>	<p>Base Runner – the most versital light-weight aluminium softball bat. 2" barrel available in 28", 29" 30", 31", 33" & 34" length K33.95</p>
<p>Tennessee Masher – lightweight aluminium bottle bat. 2 1/4" barrel, 34" length K26.75</p>	<p>Ding Bat – A good aluminium softball bat for fast or slow-pitch. 2 1/8" barrel available in 33" or 34" length K21.50</p>	<p>Ball Buster – light-weight aluminium bat with popular 2 1/4" barrel available in 33" or 34" length K24.00</p>	<p>Economy Bat – Economical official aluminium bat. Available in 28", 29", 30", 31", 33" & 34" length K18.95</p>	<p>Trim-Lite – Aluminium bat specially designed for girl's and women's softball. Thin profile and lightweight. 2" barrel available in 28", 29", 30", 31", 33" & 34" length K19.95</p>
<p>Youth's and Ladies Fielder – Quality Deep Pocket Design made of Top Grain Steerhide. Double x-laced closed web. Adjustable finger and thumb loops. Rawhide laced K33.95</p>	<p>Youth Fielder – Designed, sized and shaped for the young player, Quality Deep Pocket Design made of Top Grain steerhide, rawhide laced K27.95</p>	<p>Senior Fielders – Full sized top grain steerhide glove with 'Snap-Flex' action. Deep pocket design with single x-laced, adjustable finger and thumb loops K38.50</p>	<p>Senior Fielder – Full sized top grain, steerhide glove with 'Snap-Flex' action. Deep pocket design with double hinged closed web. Adjustable finger and thumb loops. Rawhide laced. K39.50</p>	<p>"Tennessee Thumper" adult Tee Shirt. Available in small, medium, medium-large, large and extra-large Cloth bat grip tape Official Softball Rule Book</p>

Full stock available now at your Bali Stores.



Hurry down to
Bali Leisureworld, Turumu St., Boroko. Ph. 254476
Morobe Sports Store, 6th St., Lae. Ph. 424732
Rabaul Sports Store, Mango Ave, Rabaul. Ph. 922166
With these quality products and at such great value, you'll hit a home run everytime.

All trade enquiries Morobe Sports Store, P.O. Box 312, Lae. Ph. 424732

BC005

1982 Isten Papua Kanival

BIKPELA soka pilai ol i kolim 'EPC' (Isten Papua Kanival) i bin kamap long Bisini ples pilai klostu long Boroko long Sarere 20 na Sande 21, Novemba.

Long dispela taim i gat 16 tim olgeta bilong ol man na 6-pela tim bilong ol meri i go insait long kanival.

Ben Wauans

Dispela kanival i bilong olgeta soka tim bilong Isten Papua Rijin tasol. Em ol manmeri i kam long Tufi - Oro Provins, Milen Be Provins na Abau Distrik long Sentral Provins. Na long dispela yia, 1982, em i namba 6 taim dispela kain kanival i bin kamap long Mosbi.

Presiden bilong kanival, Mista Kenneth Bakaka i tok, "Dispela kanival i no samting bilong pulim ol manmeri tasol i kam bung na pilai soka. Nogat.

"Mipela i tingting long kamap bung wantaim wanpinis o ol tambu-kandre na luk save long ol wantok. Na dispela soka pilai i ken helpim ol manmeri long kamapim strong-pela pren na bel amamas namel long ol yet. Ol manmeri bilong ol arapela provins husat i pilai insait long kanival tu i ken amamas long bungim ol wantok o tambu na luksave long ol."

Moa long 800 manmeri olgeta i bin tromoi 20 toea long get na go insait long ples pilai long Sarere. Ol liklik pikinini i go insait fri tasol.

Orait. Ol i brukim dispela 16 tim bilong ol man i go long 4-pela grup na ol i pilai long 'pul' sistem. Na 6-pela tim bilong ol meri i hatim pilai bilong ol long 'raun robin' tasol.

I gat 18 soka gem olgeta i bin kamap long Sarere. Em 9-pela gem i kamap long Bisini Graun 1 na 9-pela gem i kamap long wankain taim long Bisini Graun 2. Ol pilai i stat long 9 klok moning na pinis long 5 klok apinun.

Long Sande tu, ol i bihainim wankain program bilong Sarere. Na narapela 18 soka gem i bin kamap long dispela taim. Na bihain long ol dispela gem, ol i painimaut husat ol tim i win long poin.

Daunbilo i nem bilong ol tim na poin bilong ol:

MERI

1. Kula - 8
2. Togelu - 5
3. LSC - 5
4. Wanama - 2
5. Stone - Axe - 2
6. Wantoks - 0

MAN PUL 'A'

1. Kula - 4
2. Difens - 3
3. LSC - 3
4. Kusebo - 2

MAN PUL 'B'

1. Togelu - 5
2. Hohola Straikas - 4
3. Kep Vogel - 2
4. Kadakada - 1

MAN PUL 'C'

1. Simla - 6
2. Mini - 4
3. Wanama - 2
4. Yeleyamba - 0

MAN PUL 'D'

1. Kiriwina - 6
2. Kivenavau - 4
3. Batu Bratas - 2
4. Stone - Axe - 0

Tim bilong ol man husat i kamap namba 1 na namba 2 i gat sans long go insait long semi-painal long Sarere, Novemba 27. Na long Sande, Novemba 28 bai tupela tim husat i strong moa yet bai pilai long gren painal. Tupela gem bilong ol meri i no kamap yet, olsem na LSC, Wanama o Stone-Axe i gat sans long win na go insait long semi-painal.

I gat planti tim tru, olsem na tim bilong ol man i pilai insait long 50-minit gem. Na ol meri i pilai 30-minit gem tasol. Ol i tingting long winim sampela kain prais bilong dispela kanival, olsem na ol i traim long pilai strong.



Aya, mama! Baksait bilong mi i laik bruk nau ya!! Dispela pilaia bilong Louiset Soka Klap i kalap long hetim bal na klostu brukim baksait bilong narapela Difens pilaia. Ol i pilai insait long Isten Papua Kanival.

Long las yia, 1981, Hohola Straikas i bin winim 'EPC' Kap. Ol i bin win long gren painal. Togelu i kamap namba tu na ol i kisim 'Presiden' Kap. Insait long tim bilong ol meri, Kula i bin kisim tropi, taim ol i win long gren painal.

Nau i gat Kap o Tropi bilong husat tim bilong man na meri i win long gren painal. Na tu, i gat 5-pela liklik tropi bilong tim i gat bikpela poin insait long wan wan pul. I gat narapela tupela tropi bilong tim bilong man na meri i lus long gren painal.

Tupela tim bilong ol man, em Hohola Straikas gen na Togelu i soim olsem ol i tingting long holim pasim tropi yet. Na Kula i soim bikpela laik long larim tropi bilong ol meri i stap wantaim ol gen.

Ol tim bilong Simla, Kiriwina, Kivenavau, Mini na Difens tu i gat bikpela sans yet long kisim tropi long ol man. Na long ol meri, em Togelu, LSC na Wanama i gat sans long daunim Kula na karim tropi.

Planti ol gutpela pilai bilong semi-painal bai kamap long dispela wik Sarere,

Novemba 27. Sampela tim tu bai pilai yet long Sande, Novemba 28. Na long pinisim dispela Isten Papua Kanival, bai gren painal bilong ol meri na man tu i kamap long Sande apinun.

Presiden bilong kanival Mista Kenneth Bakaka i tok, "Sapos yu wanpela wantok, pren o tambu-kandre i stap long Mosbi Siti i no gat arapela wok long mekim long dispela wiken, tromoi lek tasol i go long Bisini ples pilai na lukim ol smatpela soka pilai bilong EPC."



Ai, yu oke o olsem wanem? Maski apim han olsem liklik pisin kanai i laik flai antap. Em pilaia bilong Hohola Straikas na Togelu i resis long kisim bal taim ol hatim pilai insait long 'EPC' kanival long Bisini ples pilai.



Plis, em Pele i putim siot bilong PNGDF na trik nabaut wantaim bal o husat tru? No gat ya. Em Difens na Louiset Soka Klap i mekim stail bilong ol insait long Isten Papua Kanival.



Kaman namba 6!! Abrusim lek bilong ol birua nabaut na kisim bal i go putim gol. Em ol pilaia bilong Wanama na Wantoks i soim stail bilong ol insait long Isten Papua Soka Kanival. Ol i pilai i go na Wanama i autim Wantoks 3-0.

Poto - Donaldson Muraba



COLLEGE OF EXTERNAL STUDIES

Going Places

High School at home - COES helps you with your studies.



COLLEGE OF EXTERNAL STUDIES

No. 24




Can you write the names of the TEN forms of energy you have learnt about from these articles in Going Places?

ANSWER: _____


Check your answer below and give yourself a mark out of 10.

Energy can be changed from one form to another form.



FOOD ENERGY IN THIS SOCCER PLAYER IS CHANGED TO KINETIC ENERGY (OR MOVEMENT ENERGY).

EXAMPLE: Fuels like oil, coal and gas have chemical energy. The chemical energy can be changed to electrical energy in a generator:




Electromagnetic energy is being changed to sound energy in my radio!



The electrical energy can be changed into other forms of energy, such as light energy:-

Electricity in



Light comes out from globe.



Energy changes are happening in the world around us every day. We can put one form of energy to work for us to get another form of energy.


Electrical energy can be changed into many other forms. It is changed to heat energy in our stove or iron. It is changed to kinetic energy (movement energy) in machines and power tools.

ANSWER: 1. Food 2. Light 3. Heat 4. Sound 5. Chemical 6. Kinetic 7. Potential 8. Electrical 9. Electromagnetic 10. Atomic.

CHALLENGES

PUZZLE NINE

Here are 24 sticks.



Take away 8 sticks and leave 2 squares. Each stick that remains must be part of a square.

Answer to be given next week.

ANSWER:

If you would like to know more about studying with COES write to:

The Principal, College of External Studies, P.O. Box 500, Konedobu.

Your name _____

Address _____

I am interested in enrolling in:

Grade 7

Grade 8

Grade 9

Grade 10

(Please tick one box only)

Age _____


What grade did you finish school? _____

Do you work? _____

If you work, what do you do? _____

Living and Learning

Operate A Savings Account Wisely



I have a savings account



I too.....



*So do I.....
It's really useful*

IN A SAVINGS ACCOUNT, YOU PUT MONEY INTO A PASSBOOK. THE BANK LOOKS AFTER THE MONEY FOR YOU BUT ALSO LENDS MONEY TO PEOPLE WHO WANT TO BORROW MONEY. BECAUSE THE BANK USES YOUR MONEY THEY PAY YOU FOR PUTTING YOUR SAVINGS WITH THEM. THEY GIVE YOU "EXTRA MONEY" CALLED INTEREST.



So, whenever I have some money, I put it in my account

*You are wise....
If you keep the money yourself, you buy things and spend it.*

Yes. If you have money with you, sometimes you buy unnecessary things too.



I took K300 on September 29th

*K652 - K300 = K352
You had only K352 balance on September 29th*

So the smallest balance for September is K352. They will work out interest for only K352.



So, I put in all extra money into the savings account. I take some out when I really need it

You really USE the savings account wisely!



Had I managed for 2 more days.... and taken the K300 out on 1st October.....

Then they would have given interest, for K652!

The bank would have given about two times as much for September!



Everytime you put money into your passbook or take out money from your passbook the teller stamps it and writes how much you have in your account - this is called the balance of your account.



The bank works out the interest i.e. how much extra money to give me, from this balance.

Remember.... they work out this extra money every month looking at the smallest balance for that month.



Be WISE when you put in money. Be WISE ALSO when you take out money.

In future I'll be wise in taking out money.



I don't really understand that.... I had K652 on September 1st



Then you have a balance of K650 on the 1st of September. If you leave all that money till September 30th for September they will work out the interest for K652.

Learn with us on NBC

PROGRAMME 35 RADIO ONE, THURSDAY AT 6.10 P.M.

MAKING COMPLAINTS

You've heard people complaining - about the price of food, about their work, about PMVs..... well, this programme looks at the language of complaints.

The topic comes from our new Grade 8 English course. The College will have next year the first Grade 8 student material on the new High School syllabus in PNG.

The College's head of English, Mrs. Philippa Lipscomb, explains about the different ways we can use language to make complaints. She takes two kinds of complaints.



Complaints about things



Complaints about health

PROGRAMME 35 COMPETITION

YOUR NAME: _____

YOUR ADDRESS: _____

ARE YOU A STUDENT AT COES? _____

Listen to the two stories. Answer these question in a few words.

Story 1:

1. What does Siria complain about?

2. Who does she complain to?

3. What exactly is wrong?

Story 2:

1. Who goes to the doctor?

2. What does he complain about?

3. What does the doctor tell him to do?

SEND YOUR ANSWERS TO: RADIO CLUB, COES, BOX 500, KONE DOBU.

BOSTON

Corned Beef Loaf

Packs a mansize meal into your team



PL001



MOA SPARKA
YU DRINK
MOA FRI SPARKA
YU KISIM

Hei ol Amigos!

Noken toromoi ol Sparka botoltop, bai mi givim yu wanpela fri Sparka long olgeta wanpela ten faiv Sparka botoltop yu kisim ikam long Sparka fektri.

na tu

Amigos olgeta taim yu kisim ol botoltop ikam, bai mi raitim nem wantaim namba bilong ol botoltop. Long namba 31 de bilong mun Disemba wanem man igat bikpela namba bai winim wanpela gutpela Redio Keset Plea.

Resis bai pinis long namba 31 de bilong mun Disemba

Hohola Softdrinks Pty. Ltd., Koani St., Gordons.

HEB 1687

EVERYDAY LIFE IN OTHER PLACES

Roald Eriksson of Norway


This week's story comes from Norway.

Roald Eriksson is nine years old and lives near the small town of Melhus, not far from the city of Trondheim. Trondheim is built by a fiord, a deep sea inlet. Roald is well built with fair hair and blue eyes. He has a six year old sister called Olga. Roald's parents work very hard. His father is a farmer and a fisherman. The family gets up early in the morning and Roald helps father milk their six cows in the large barn where the farm tools are stored. The cows are kept in the barn during the seven winter months; in the warm weather rents from the town council. Roald's parents own a very small area of land on which they grow oats, barley and potatoes. They also keep geese, hens and pigs which provide the family with eggs and meat.

The farmhouse has two storeys (an upstairs and a downstairs) with a very steep slate roof. This roof is important as it allows the heavy falls of snow to slide off easily. All the rooms have wood-burning stoves and all the furniture is wooden. The beds have thick, warm covers and the rugs are usually made of reindeer skins. At 7.30 a.m. the family have breakfast together; they eat eggs, milk fruit and bread. In some large cities of Norway, like the capital, Oslo, children have their breakfast at school! When the children have finished eating, they always thank their mother for their food. Politeness is very important in Norway.

School begins at nine o'clock and it takes Roald half an hour to walk there. In winter there will be enough snow to ski to school. The school has only two rooms as there are only twenty six pupils. In summer many children stay away too help their families with the hay harvest. Roald hurries home from school at 2pm and runs down to the jetty where his father's small fishing boat is moored. Once on board the morning lines are pulled in and the diesel engine started. Roald watches his father and his Uncle Erik stack the wooden boxes, which are to hold the catch, on the deck. When deep water is reached the net is slowly lowered into the water.

For three hours the net is dragged by the boat over the sea bottom.



Then the boat stops and the net is hoisted up. "A full net" Roald shouts to father. They have caught many cod, herring and plaice which they pack into the wooden boxes. Father picks out the best fish and puts them into a large tank of water. These are the fresh fish which will be sold in the village market. The people who buy these fish will be able to pick out those that they want as they swim about!

At seven o'clock the jetty is in sight. Father keeps some of the fish to be eaten at home and the rest he sells to be canned and sent overseas to West Germany and Great Britain. It is important that father gets a good price for his fish as his farm is too small to bring in enough money for his family.

Roald sets off home before father as the cows must be brought in for milking. By eight o'clock the milking is done and the family gathers in the kitchen for the evening meal of fish pie, brown bread, cheese and milk. When the dishes are cleared away there is always time before bed for a story around the fire. Father lights his pipe and Roald and Olga curl up on the fur rug at his feet to hear the story about pirates of long ago.

Soon the family are to have their summer holidays and this will mean a trip to Bergen, a big city three hundred miles to the south. Here, Roald will wander through the narrow streets of wooden houses, visit the big stores and go down to the harbour where the modern cargo ships and whaling fleet are moored. Before they leave Bergen they will celebrate Midsummer's Eve with fireworks and dancing. As they fall asleep in their wooden bunk beds, the children dream of the exciting holiday ahead but tomorrow will be another day of hard work.

COLOURING COMPETITION

"STARTING 30TH NOVEMBER."

COMING UP IN MORESBY MESSAGE
FOR KIDS UP TO AGE 12

* FOUR WEEKLY PRIZES

* ONE MAJOR PRIZE FOR OVERALL WINNER.



PRIZES PRESENTED BY
BOB BROWN AT STEAMSHIPS ON
28TH DECEMBER.

KEEP YOUR EYES PEELED
FOR FURTHER NEWS.

Steamships

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.